

四庫全書薈要

• 乾隆御覽本

史部

欽定四庫全書薈要卷三千六百八十五

史部

史記卷一百七

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

魏其武安侯列傳第四十七

魏其侯竇嬰者孝文后從兄子也父世觀津人

索隱案地理志

觀津縣屬信都以言其累葉在觀津故云父世也正義觀津城在冀州武邑縣東南二十五里喜賓客

孝文時嬰為吳相病免孝景初即位為詹事

正義百官表云詹事

秦官掌皇后太子家也

梁孝王者孝景弟也其母竇太后愛之梁

孝王朝因昆弟燕飲是時上未立太子酒酣從容言曰

千秋之後傳梁王太后驪竇嬰引卮酒進上曰天下者

高祖天下父子相傳此漢之約也上何以得擅傳梁王

太后由此憎竇嬰竇嬰亦薄其官因病免太后除竇嬰

門籍不得入朝請

集解駢案律諸侯春秋天子曰朝秋曰請正義請才性反

孝景三

年吳楚反上察宗室諸竇

索隱案謂宗室之中及諸竇之宗室也又姚氏案酷吏傳

周陽由其父趙兼以淮南王舅侯周陽故因改氏由以宗室任為郎則似是與國有親戚屬籍者亦得呼為宗

室也毋如竇嬰賢乃召嬰入見固辭謝病不足任太后

亦慙於是上曰天下方有急王孫寧可以讓邪

集解馬案漢書

曰竇嬰字王孫

乃拜嬰為大將軍賜金千斤竇嬰乃言袁盎樂

布諸名將賢士在家者進之所賜金陳之廊廡下軍吏

過輒令財取為用

集解蘇林曰自令裁度取為用也

金無入家者竇嬰

守滎陽監齊趙兵

正義監音甲衫反吳王濞傳云竇嬰屯滎陽監齊趙兵也

七國兵

已盡破封嬰為魏其侯諸游士賓客爭歸魏其侯孝景
時每朝議大事條侯魏其侯諸列侯莫敢與亢禮孝景
四年立栗太子

正義栗姬之子後廢之故書母姓

使魏其侯為太子傅

孝景七年栗太子廢魏其數爭不能得魏其謝病屏居
藍田南山之下數月諸賓客辯士說之莫能來梁人高
遂乃說魏其曰能富貴將軍者上也能親將軍者太后
也今將軍傅太子太子廢而不能爭爭不能得又弗能
死自引謝病擁趙女屏閒處

正義閒音閑處音昌女反

而不朝相提

而論

集解徐廣曰提音徒抵反索隱提音弟又音啼相提猶相抵也論音路頓反

是自明揚

主上之過有如兩宮螫將軍

集解張晏曰兩宮太后景帝也螫怒也毒蟲怒必螫

人又火各反索隱螫音釋謂怒也漢書作爽爽即螫也正義兩宮太子景帝也

則妻子母類矣

索隱謂見誅滅無遺類

魏其侯然之乃遂起朝請如故桃侯免相

集解服虔曰劉舍也

竇太后數言魏其侯孝景帝曰太后豈以為

臣有愛不相魏其

索隱愛猶惜也

魏其者沾沾自喜耳多易

集解

徐廣曰沾一作帖又昌蕪反又當牒反張晏曰沾沾言自整頓也多易多輕易之行也或曰沾音憺也索隱小

顏云沾音他蕪反憺音尺占反

難以為相持重遂不用用建陵侯衛綰

為丞相

武安侯田蚡者孝景后同母弟也

索隱蚡音扶粉反又
如蚡鼠之蚡音墳

生長陵魏其已為大將軍後方盛蚡為諸郎

集解徐廣
曰一云諸

卿時人相號長老者為諸公年少者
為諸卿如今人相號為士大夫也

未貴往來侍酒魏

其跪起如子姪及孝景晚節

索隱案謂
晚年也

蚡益貴幸為太

中大夫蚡辯有口學槃孟諸書

集解應劭曰黃帝使孔
甲所作銘也凡二十六

篇書槃孟中所為法戒諸書諸子文書也孟康
曰孔甲槃孟二十六篇雜家書兼儒墨名法

王太后

賢之

集解徐廣曰即
蚡同母姊者

孝景崩即日太子立稱制所鎮撫

多有田蚡賓客計策蚡弟田勝皆以太后弟孝景後三

年

集解徐廣曰孝景後三年即是孝武初嗣位之年也

封蚡為武安侯勝為周陽

侯

正義絳州聞喜縣東二十里周陽故城也

武安侯新欲用事為相卑下賓

客進名士家居者貴之欲以傾魏其諸將相建元元年

丞相綰病免上議置丞相太尉籍福說武安侯曰魏其

貴久矣天下士素歸之今將軍初興未如魏其即上以

將軍為丞相必讓魏其魏其為丞相將軍必為太尉太

尉丞相尊等耳又有讓賢名武安侯乃微言太后風上

於是乃以魏其侯為丞相武安侯為太尉籍福賀魏其侯因弔曰君侯資性喜善疾惡方今善人譽君侯故至丞相然君侯且疾惡惡人衆亦且毀君侯君侯能兼容則幸久不能今以毀去矣魏其不聽魏其武安俱好儒

術推轂趙綰為御史大夫

索隱案推轂謂自卑下之如為之推車轂也

王臧

為郎中令迎魯申公欲設明堂令列侯就國除關

索隱謂除

關門之稅也

以禮為服制

索隱案其時禮度踰侈多不依古令吉凶服制皆法於禮也

以

興太平舉適諸實

索隱適音直革反

宗室毋節行者除其屬籍

時諸外家為列侯列侯多尚公主皆不欲就國以故毀
日至竇太后太后好黃老之言而魏其武安趙綰王臧
等務隆推儒術貶道家言是以竇太后滋不說魏其等
及建元二年御史大夫趙綰請無奏事東宮

集解韋昭曰欲奪其

也竇太后大怒乃罷逐趙綰王臧等而免丞相太尉以

栢至侯許昌為丞相武彊侯莊青翟為御史大夫魏其
武安由此以侯家居武安侯雖不任職以王太后故親
幸數言事多效天下吏士趨勢利者皆去魏其歸武安

武安日益橫建元六年竇太后崩丞相昌御史大夫青

翟坐喪事不辦免以武安侯蚡為丞相以大司農韓安

國為御史大夫天下士郡國諸侯愈益附武安

索隱按謂仕諸

郡及仕諸侯王國者猶言仕郡國也

武安者貌侵

集解韋昭曰侵音寢短小也又云醜惡也刻確

也音核

生貴甚

索隱小顏云生貴謂自尊高示貴寵其說疎也按生謂蚡自生尊貴之勢持甚故下

云又以諸侯王多長年蚡以肺腑為相非痛折節以禮屈之則天下不肅者也

又以為諸侯王

多長

集解張晏曰多長年

上初即位富於春秋蚡以肺腑為京師

相

正義顏師古曰舊解云肺腑如肝肺之相附著也一說肺碎木札也喻其輕薄附著大材按顏此說並是

疎謬又改腑為附就其義重謬矣八十一難云寸口者
脉之大會手太陰之動脉也呂廣云太陰者肺之脉也
肺為諸藏之主通陰陽故十二經脉皆會乎太陰所以
決吉凶者十二經有病皆寸口知其何經之動浮沈瀉
滑春秋逆順知其死生顧野王云肺膈腹心也案說田
蚡為相若人之肺知陰陽逆順又為之腹心親戚也

非痛折節以禮誶之天下不肅

索隱案痛甚也欲令士折節屈下於已不然天

下不肅或解以為蚡欲折節下士非也
案下文不讓其兄蓋侯知或說為非也當是時丞相入

奏事坐語移日所言皆聽薦人或起家至二十石權移

主上上乃曰君除吏已盡未吾亦欲除吏嘗請考工地

益宅

集解駟案漢書百官表曰少上怒曰君何不遂取

武庫是後乃退嘗召客飲坐其兄蓋侯

集解徐廣曰王后兄王信也秦

山有蓋縣樂安有益縣也

南鄉自坐東鄉以為漢相尊不可以兄故

私橈武安由此滋驕治宅甲諸第

集解徐廣曰為諸第之上也

田園

極膏腴而市買郡縣器物相屬於道前堂羅鐘鼓立曲

旃

集解如淳曰旌旗之名通帛曰旃曲旃僭也蘇林曰禮大夫立曲旃曲柄上曲也索隱說文曲旃者所以

招士也

後房婦女以百數諸侯奉金玉狗馬玩好不可勝

數魏其失實太后益疏不用無勢諸客稍稍自引而怠

傲唯灌將軍獨不失故魏其日默默不得志而獨厚遇

灌將軍

灌將軍夫者潁陰人也夫父張孟嘗為潁陰侯嬰舍人

得幸因進之至二千石故蒙灌氏姓為灌孟吳楚反時

潁陰侯灌何為將軍

索隱案何是嬰子漢書作嬰誤

屬太尉請灌孟為

校尉夫以千人與父俱

集解駟案漢書音義曰官主千人如候司馬

灌孟年

老潁陰侯彊請之鬱鬱不得意故戰常陷堅遂死吳軍

中軍法父子俱從軍有死事得與喪歸灌夫不肯隨喪

歸奮曰

集解張晏曰自奮勵也

願取吳王若將軍頭以報父之仇

於是灌夫被甲持戟募軍中壯士所善願從者數十人及出壁門莫敢前獨二人及從奴十數騎馳入吳軍至吳將麾下

正義謂大將之旗

所殺傷數十人不得前復馳還走

入漢壁皆亡其奴獨與一騎歸夫身中大創十餘適有萬金良藥故得無死夫創少瘳又復請將軍曰吾益知吳壁中曲折請復往將軍壯義之恐亡夫乃言太尉太尉乃固止之吳已破灌夫以此名聞天下賴陰侯言之上上以夫為中郎將數月坐法去後家居長安長安中

諸公莫弗稱之孝景時至代相孝景崩今上初即位以
為淮陽天下交勁兵處故徙夫為淮陽太守建元元年
入為太僕二年與長樂衛尉竇甫飲輕重不得

集解晉灼曰飲

酒輕重不得其平也

夫醉搏甫

索隱搏音博謂擊之

甫竇太后昆弟也上恐

太后誅夫徙為燕相數歲坐法去官家居長安灌夫為
人剛直使酒不好面腴貴戚諸有勢在已之右不欲加
禮必陵之諸士在已之左愈貧賤尤益敬與鈞稠人廣
衆薦寵下輩士亦以此多之夫不喜文學好任俠已然

諾索隱已音以謂已許諾必使副其前言也諸所與交通無非豪桀大猾家

累數千萬食客日數十百人陂池田園宗族賓客為權

利橫於潁川潁川兒乃歌之曰潁水清灌氏寧潁水濁

灌氏族灌夫家居雖富然失勢卿相待中賓客益衰及

魏其侯失勢亦欲倚灌夫引繩批根生平慕之後棄之

者集解蘇林曰二人相倚引繩直之意批根賓客也棄之者不與交通孟康曰根根括引繩以持彈索隱案

劉氏云二人相倚事如合繩共相依引也批音步結反

批者排也漢書作排根小顏根音痕括音汨謂人生平

慕嬰夫後見其失職而頗弛慢如此者共排退之不復

與交也譬如相對挽繩而根括之也持彈案漢書本作

普耕反

彈音灌夫亦倚魏其而通列侯宗室為名高兩人相

為引重

集解張晏曰相薦達為聲勢

其游如父子然相得驩甚無厭

恨相知晚也灌夫有服過丞相丞相從容曰吾欲與仲

孺過魏其侯

集解駰案漢書曰灌夫字仲孺

會仲孺有服

索隱案服謂期功之服也

故應璩書曰仲孺不辭同生之服也

灌夫曰將軍乃肯幸臨況魏其侯夫

安敢以服為解請語魏其侯帳具將軍旦日蚤臨武安

許諾灌夫具語魏其侯如所謂武安侯魏其與其夫人

益市牛酒夜灑掃早帳具至旦平明令門下候伺至日

中丞相不來魏其謂灌夫曰丞相豈忘之哉灌夫不懌

曰夫以服請宜往

集解徐廣曰一云以服請不宜往索隱案徐廣云以服請不宜往其說非

也正言灌夫請不以服為解蚡不宜忘故駕自往迎也

乃駕自往迎丞相丞相特

前戲許灌夫殊無意往及夫至門丞相尚卧於是夫入

見曰將軍昨日幸許過魏其魏其夫妻治具自旦至今

未敢嘗食武安鄂

集解徐廣曰一作悟

謝曰吾昨日醉忽忘與仲

孺言乃駕往又徐行灌夫愈益怒及飲酒酣夫起舞屬

丞相

索隱屬音之欲反屬猶委也付也小顏云若今人舞訖相勸也

丞相不起夫從坐

上語侵之魏其乃扶灌夫去謝丞相丞相卒飲至夜極
驪而去丞相嘗使籍福請魏其城南田魏其大望曰老
僕雖棄將軍雖貴寧可以勢奪乎不許灌夫聞怒罵籍
福籍福惡兩人有郤乃謾自好謝丞相曰魏其老且死
易忍且待之已而武安聞魏其灌夫實怒不予田亦怒
曰魏其子嘗殺人蚡活之蚡事魏其無所不可何愛數
頃田且灌夫何與也吾不敢復求田武安由此大怨灌
夫魏其元光四年春

集解徐廣曰疑此當是三年也其說在後

丞相言灌夫

家在潁川橫甚民苦之請案上曰此丞相事何請灌夫亦持丞相陰事為姦利受淮南王金與語言賓客居間遂止俱解夏丞相取燕王女為夫人

索隱案蚡娶燕王劉澤子康王嘉之

也女有太后詔召列侯宗室皆往賀魏其侯過灌夫欲與

俱夫謝曰夫數以酒失得過丞相丞相今者又與夫有

郅魏其曰事已解彊與俱飲酒酣武安起為壽

集解如淳曰上

酒為稱壽非大行酒

坐皆避席伏已魏其侯為壽獨故人避席耳

餘半膝席

集解蘇林曰下席而膝半在席上如淳曰以膝跪席上也

灌夫不悅起行

酒至武安武安膝席曰不能滿觴夫怒因嘻笑曰將軍

貴人也屬之

集解徐廣曰屬一作畢索隱案漢書作畢畢盡也

時武安不肯行

酒次至臨汝侯

集解徐廣曰灌嬰孫名賢也索隱案漢書云臨汝侯灌賢則賢是嬰之孫臨汝

是改封也

臨汝侯方與程不識耳語又不避席夫無所發怒

乃罵臨汝侯曰生平毀程不識不直一錢今日長者為

壽乃效女兒咄囁耳語

集解韋昭曰咄囁附耳小語聲索隱女兒猶云兒女也漢書作

女曹兒曹輩也猶言兒女輩咄

武安謂灌夫曰程李俱

東西宮衛尉

集解駰案漢書音義曰李廣為東宮程不識為西宮

今衆辱程將軍

仲孺獨不為李將軍地乎

集解如淳曰李將軍李廣也猶今人言為餘地索隱案小

顏云言今既毀程令李何地自安處也

灌夫曰今日斬頭陷胃

索隱韋昭云言不避

死亡也漢書作冗匈

何知程李乎坐乃起更衣稍稍去魏其侯去

麾灌夫出武安遂怒曰此吾驕灌夫罪乃令騎留灌夫

灌夫欲出不得籍福起為謝案灌夫項令謝夫愈怒不

肯謝武安乃麾騎縛夫置傳舍召長史曰今日召宗室

有詔劾灌夫罵坐不敬繫居室

集解如淳曰百官表居室為保官今守官也

遂按其前事遣吏分曹逐捕諸灌氏支屬皆得棄市罪

魏其侯大媿為資使賓客請莫能解

集解如淳曰為出資費使人為夫言

武安吏皆為耳目諸灌氏皆亡匿夫繫遂不得告言武

安陰事魏其銳身為救灌夫夫人諫魏其曰灌將軍得

罪丞相與太后家忤寧可救邪魏其侯曰侯自我得之

自我捐之無所恨且終不令灌仲孺獨死嬰獨生乃匿

其家

集解晉灼曰恐其夫人復諫止也

竊出上書立召入具言灌夫醉

飽事不足誅上然之賜魏其食曰東朝廷辯之

集解如淳曰東

朝太后魏其之東朝盛推灌夫之善言其醉飽得過乃丞

相以他事誣罪之武安又盛毀灌夫所為橫恣罪逆不

道魏其度不可奈何因言丞相短武安曰天下幸而安

樂無事蚡得為肺腑所好音樂狗馬田宅蚡所愛倡優

巧匠之屬不如魏其灌夫日夜招聚天下豪桀壯士與

論議腹誹而心謗不仰視天而俯畫地

集解張晏曰視天占三光也畫

地知分野所在也畫地諭欲作反事辟倪兩宮間

集解徐廣曰辟芳細反倪音詣張晏曰占太后

與帝吉凶之期索隱辟普係反倪五係反埤蒼云睥睨謂邪視也

幸天下有變而欲有

大功

集解張晏曰幸為反者當得為大將立功也曰天下有變謂天子崩因變難之際得立大功

臣

乃不如魏其等所為於是上問朝臣兩人孰是御史大

夫韓安國曰魏其言灌夫父死事身荷戟馳入不測之

吳軍身被數十創名冠三軍此天下壯士非有大惡爭

杯酒不足引他過以誅也魏其言是也丞相亦言灌夫

通姦猾侵細民家累巨萬橫恣潁川凌轢宗室侵犯骨

肉此所謂枝大於本脰大於股不折必披

索隱案包愷披音疋彼反

正義鋪被反披分析也

丞相言亦是唯明主裁之主爵都尉汲黯

是魏其內史鄭當時是魏其後不敢堅對餘皆莫敢對

上怒內史曰公平生數言魏其武安長短今日廷論局

趣效轅下駒

集解張晏曰俛頭於車轅下隨母而已瓚曰小馬在轅下正義應劭云駒馬加著轅

局趣纖小之貌按應說為長也

吾并斬若屬矣即罷起入上食太后太

后亦已使人候伺具以告太后太后怒不食曰今我在

也而人皆藉吾弟

索隱案晉灼云藉蹈也以言蹂藉也

令我百歲後皆魚

肉之矣且帝寧能為石人邪

集解謂帝不如石人得長存也正義顏師古云言徒

有人耳不知好惡按今俗云人不辨事罵云机机若木人也

此特帝在即錄錄設百

歲後是屬寧有可信者乎

索隱案設者脫也

上謝曰俱宗室外

家

正義嬰景帝從舅
蚡太后同母弟

故廷辨之不然此一獄吏所決耳

是時郎中令石建為上分別言兩人事武安已罷朝出

止車門召韓御史大夫載怒曰與長孺共一老秃翁何

為首鼠兩端

集解駟案漢書音義曰秃老翁言嬰無官
位扳援也首鼠一前一卻也索隱案謂共

治一老秃翁
指實嬰也

韓御史良久謂丞相曰君何不自喜

集解
蘇林

曰何不自解釋為喜樂邪索隱案小顏
云何不自謙遜為可喜之事音許既反

夫魏其毀君君

當免冠解印綬歸曰臣以肺腑幸得待罪固非其任魏

其言皆是如此上必多君有讓不廢君魏其必內愧杜

門齮舌自殺

索隱案說文云齮齮也士白反

今人毀君君亦毀之譬如

賈豎女子爭言何其無大體也武安謝罪曰爭時急不

知出此於是上使御史簿責魏其所言灌夫頗不讐

正義

讐音市周反對也言簿責魏其所言灌夫實潁川事故魏其不對為欺謾者也

欺謾劾繫都司

空

索隱案百官表云宗正屬官主詔獄也正義如淳云律司空主水及罪人

孝景時魏其嘗

受遺詔曰事有不便以便宜論上及繫灌夫罪至族事

日急諸公莫敢復明言於上魏其乃使昆弟子上書言

之幸得復召見書奏上而案尚書大行無遺詔

集解如淳曰大

行主諸侯官也索隱案尚書無此景帝崩時大行遺詔乃魏其家臣印封之如淳說非也正義天子崩曰大行也按尚書之中景帝崩時無遺詔賜魏其也百官表云諸受尚書事也詔書獨藏魏其家

家丞封

集解駢案漢書音義曰以家臣印封遺詔

乃劾魏其矯先帝詔罪當

棄市五年十月

集解徐廣曰疑非五年亦非十月索隱徐氏云疑非者案武帝四年三月蚡薨

實嬰死在前今云五年故疑非也正義漢書云元光四年冬魏其侯嬰有罪棄市春三月乙卯丞相蚡薨按五

年者悉論灌夫及家屬魏其良久乃聞聞即恚病痲

索隱

痲音肥又音扶味反風病也

不食欲死或聞上無意殺魏其魏其復

食治病議定不死矣乃有蜚語為惡言聞上

集解張晏曰蚡偽作

飛揚誹謗之語故以十二月晦

集解徐廣曰疑非十二月也駟案張晏曰月晦者春垂至也索

隱著日月者見春垂至恐遇赦贖也

論棄市渭城

正義咸陽

故其春武安侯病

正義其春即四年春也元光四年十月灌夫棄市十二月魏其棄市至三月乙卯田蚡薨則三人死同在一年

明矣漢以十月為歲首故也秦楚之際表云十一月十二月端月二月三月至九為終周建子為正月十一月十

為正月十二月為二月正月為三月二月為四月至十月為歲終漢初至武帝太初以前並依秦法以後改用

夏正月至今不改

專呼服謝罪

集解駰案漢書音義曰言蚡號呼謝服罪也

使巫視

鬼者視之見魏其灌夫共守欲殺之竟死子恬嗣

集解徐廣

曰蚡疾見魏其灌夫鬼殺之則其死共在一春內邪武帝本紀四年三月乙卯田蚡薨嬰死在蚡薨之前何復

云五年十二月邪疑十二月當為二月也案侯表蚡事武帝九年而卒元光四年侯恬之元年建元元年訖元

光三年而九年大臣表蚡以元光四年卒亦云嬰元朔四年棄市未詳此正安在然蚡薨在嬰死後分明

三年武安侯坐衣襜褕

正義爾雅云衣蔽前謂之襜褕郭璞云蔽膝也說文字林並謂之

短衣入宮不敬

集解徐廣曰表云坐衣不敬國除索隱襜褕尺占反褕音踰謂非正朝衣若婦人服也

淮南王安謀反覺治王前朝

集解徐廣曰建元二年

武安侯為太

尉時迎王至霸上謂王曰上未有太子大王最賢高祖

孫即宮車晏駕非大王立當誰哉淮南王大喜厚遺金

財物上自魏其時不直武安特為太后故耳

索隱案武帝以魏其

灌夫事為枉於武安侯
為不直特為太后故耳

及聞淮南王金事上曰使武安

侯在者族矣

太史公曰魏其武安皆以外戚重灌夫用一時決策而
名顯魏其之舉以吳楚武安之貴在日月之際然魏其
誠不知時變灌夫無術而不遜兩人相翼乃成禍亂武
安負貴而好權杯酒責望陷彼兩賢嗚呼哀哉遷怒及
人命亦不延眾庶不載竟被惡言嗚呼哀哉禍所從來
矣

索隱述贊曰竇嬰田蚡勢利相雄威倚外戚或恃軍
功灌夫自喜引重其中意氣杯酒辟倪兩宮事竟不
直寃哉
二公

史記卷一百七

史記卷一百七考證

魏其武安侯列傳魏其已為大將軍後方盛蚡為諸郎
集解徐廣曰一云諸卿時人相號長者為諸公年
少者為諸卿如今人相號為士大夫也○臣照按諸

郎即百官表所謂議郎中郎侍郎郎中是也漢書作
諸曹郎

除關索隱謂除關門之稅也○徐孚遠曰索隱非也漢
立關以稽諸侯出入至此罷之示天下一家之義也

天下士郡國諸侯愈益附武安索隱按謂仕諸郡及仕諸侯王國者猶言仕郡國也○徐孚遠曰索隱說小曲天下士士人也郡國諸侯列侯也言此兩種皆附武安

生貴甚索隱生謂蚡自生尊貴之勢特甚○

臣照

按生

貴甚言蚡生而為太后弟貴甚言其不學無術也

不好面腴○

臣照

按面腴蓋面諛也或古字通或傳寫

之訛或謂面腴以喜悅親附意著於顏面非口諛也

若然則諸家必有注解今無之故知非也

及魏其侯失勢亦欲倚灌夫引繩批根生平慕之復棄之者集解蘇林曰二人相倚引繩直之意批根賓客也棄之者不與交通○此條集解多之意及也三字與長孺共一老禿翁索隱案謂共治一老禿翁指竇嬰也○顧炎武曰謂爾我皆垂暮之年無所顧惜當直言以決此事也索隱非

君何不自喜集解蘇林曰何不自解釋為喜樂邪索隱

案小顏云何不自謙遜為可喜之事音許既反○臣

照

按不自喜猶言不自愛下文所謂無大體是也注

未合

史記卷一百七考證

欽定四庫全書薈要卷三千六百八十六

史部

史記卷一百八

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

韓長孺列傳第四十八

御史大夫韓安國者梁城安人也

集解徐廣曰在汝潁之間索隱漢書地理

志云縣名屬陳留正義括地志云城安故城在汝州梁縣東二十三里地理志云成安屬潁川郡陳留郡又有城安縣亦屬梁未知孰是也

後徙睢陽

正義今宋州宋城

嘗受韓子雜家說

於騶田生所

索隱案謂安國學韓子及雜家說於騶縣田生之所

事梁孝王為中

大夫吳楚反時孝王使安國及張羽為將扞吳兵於東

界

索隱將音醬扞音汗

張羽力戰安國持重以故吳不能過梁吳

楚已破安國張羽名由此顯梁孝王景帝母弟竇太后

愛之令得自請置相二十石出入遊戲僭於天子天子

聞之心弗善也太后知帝不善乃怒梁使者弗見案責

王所為韓安國為梁使見大長公主

集解徐廣曰景帝姊索隱案即館陶

公主正義如淳云景帝妹也

而泣曰何梁王為人子之孝為人臣之

忠而太后曾弗省也

索隱省音仙井反省者察也

夫前日吳楚齊趙

七國反時自關以東皆合從西鄉惟梁最親為艱難梁

王念太后帝在中

正義謂關中也又云京師在天下之中

而諸侯擾亂一

言泣數行下跪送臣等六人將兵擊卻吳楚吳楚以故

兵不敢西而卒破亡梁王之力也今太后以小節苛禮

責望梁王

索隱案謂苛細小禮以責之

梁王父兄皆帝王所見者大

故出稱蹕入言警車旗皆帝所賜也即欲以侘鄙縣

集解

徐廣曰侘一作紆也駟案侘音丑亞反誇也索隱漢書作嫪音火亞反紆音寒孟反驅馳國中以

夸諸侯令天下盡知太后帝愛之也今梁使來輒案責之梁王恐日夜涕泣思慕不知所為何梁王之為子孝為臣忠而太后弗恤也大長公主具以告太后太后喜曰為言之帝言之帝心乃解而免冠謝太后曰兄弟不能相教乃為太后遺憂悉見梁使厚賜之其後梁王益親驪太后長公主更賜安國可直千餘金名由此顯結

於漢其後安國坐法抵罪蒙

索隱抵音丁禮反蒙縣名屬梁國也

獄吏田

甲辱安國安國曰死灰獨不復然乎田甲曰然即溺之

居無何梁內史缺漢使使者拜安國為梁內史起徒中

為二千石田甲亡走安國曰甲不就官我滅而宗甲因

肉袒謝安國笑曰可溺矣公等足與治乎

索隱案謂不足與繩持之

治音持也卒善遇之梁內史之缺也孝王新得齊人公孫詭

說之欲請以為內史竇太后聞乃詔王以安國為內史

公孫詭羊勝說孝王求為帝太子及益地事恐漢大臣

不聽乃陰使人刺漢用事謀臣及殺故吳相袁盎景帝
遂聞詭勝等計畫乃遣使捕詭勝必得漢使十輩至梁
相以下舉國大索月餘不得內史安國聞詭勝匿孝王
所安國入見王而泣曰主辱臣死大王無良臣故事紛
紛至此今詭勝不得請辭賜死王曰何至此安國泣數
行下曰大王自度於皇帝孰與太上皇之與高皇帝及
皇帝之與臨江王親孝王曰弗如也安國曰夫太上臨
江親父子之間然而高帝曰提三尺劍取天下者朕也

故太上皇終不得制事居于櫟陽臨江王適長太子也

以一言過廢王臨江

集解如淳曰景帝嘗屬諸姬太子母栗姬言不遜由是廢太子栗姬

憂死用宮垣事卒自殺中尉府何者治天下終不以私亂

公語曰雖有親父安知其不為虎雖有親兄安知其不

為狼今大王列在諸侯悅一邪臣浮說

索隱悅漢書作怵說文云怵誘

也犯上禁撓明法天子以太后故不忍致法於王太后

日夜涕泣幸大王自改而大王終不覺寤有如太后宮

車即晏駕大王尚誰攀乎語未卒孝王泣數行下謝安

國曰吾今出詭勝詭勝自殺漢使還報梁事皆得釋安國之力也於是景帝太后益重安國孝王卒共王即位安國坐法失官居家建元中武安侯田蚡為漢太尉親貴用事安國以五百金物遺蚡蚡言安國太后天子亦素聞其賢即召以為北地都尉遷為大司農閩越東越相攻安國及大行王恢將兵未至越越殺其王降漢兵亦罷建元六年武安侯為丞相安國為御史大夫匈奴來請和親天子下議大行王恢燕人也數為邊吏習知

胡事議曰漢與匈奴和親率不過數歲即復倍約不如
勿許興兵擊之安國曰千里而戰兵不獲利今匈奴負
戎馬之足懷禽獸之心遷徙鳥舉難得而制也得其地
不足以為廣有其衆不足以為彊自上古不屬為人

索隱

案晉灼云不內
屬於漢為人

漢數千里爭利則人馬罷虜以全制其

敝且彊弩之極矢不能穿魯縞

集解許慎曰
魯之縞尤薄

衝風之末

力不能漂鴻毛非初不勁末力衰也擊之不便不如和
親羣臣議者多附安國於是上許和親其明年則元光

元年鴈門馬邑豪聶翁壹

集解張晏曰豪猶帥也索隱
聶姓也翁壹名也漢書云聶

壹

因大行王恢言上曰匈奴初和親親信邊可誘以利

陰使聶翁壹為間亡入匈奴謂單于曰吾能斬馬邑令

丞吏以城降財物可盡得單于愛信之以為然許聶翁

壹聶翁壹乃還詐斬死罪囚縣其頭馬邑城示單于使

者為信曰馬邑長吏已死可急來於是單于穿塞將十

餘萬騎入武州塞

集解徐廣曰在鴈門索隱崔浩云
今平城直西百里有武州城是也

當

是時漢伏兵車騎材官三十餘萬匿馬邑旁谷中衛尉

李廣為驍騎將軍

集解駟案漢書曰北貉燕人來致驍騎應劭曰驍健也張晏曰驍勇也若

六博之景矣

太僕公孫賀為輕車將軍

正義司馬續漢書云輕車古戰車

大

行王恢為將屯將軍

正義李奇云監主諸屯

太中大夫李息為材

官將軍

正義臣瓚云材官騎射之官

御史大夫韓安國為護軍將軍

諸將皆屬護軍約單于入馬邑而漢兵縱發王恢李息

李廣別從代主擊其輜重

正義釋名云輜厠也所載衣服雜厠其中

於是單

于入漢長城武州塞未至馬邑百餘里行掠鹵徒見畜

牧於野不見一人單于怪之攻烽燧得武州尉史欲刺

問尉史尉史曰漢兵數十萬伏馬邑下單于顧謂左右

曰幾為漢所賣

正義幾音祈

乃引兵還出塞曰吾得尉史乃

天也命尉史為天王塞下傳言單于已引去漢兵追至塞度弗及即罷王恢等兵三萬聞單于不與漢合度往擊輜重必與單于精兵戰漢兵勢必敗則以便宜罷兵皆無功天子怒王恢不出擊單于輜重擅引兵罷也恢曰始約虜入馬邑城兵與單于接而臣擊其輜重可得利今單于聞不至而還臣以三萬人衆不敵裊取辱耳

集解徐廣曰
裨一作祗也

臣固知還而斬然得完陛下士三萬人於

是下恢廷尉廷尉當恢逗撓當斬

集解駢案漢書音義
曰逗曲行避敵也撓

顧望軍法語也索隱案如淳云軍法行而逗留也
畏撓者要斬逗音豆又音住逗留也撓屈弱也恢私行

千金丞相蚡蚡不敢言上而言於太后曰王恢首造馬

邑事今不成而誅恢是為匈奴報仇也上朝太后太后

以丞相言告上上曰首為馬邑事者恢也故發天下兵

數十萬從其言為此且縱單于不可得恢所部擊其輜

重猶頗可得以慰士大夫心今不誅恢無以謝天下於

是恢聞之乃自殺安國為人大畧智足以當世取舍

而出於忠厚焉

索隱案出者去也言安國為人無忠厚之行

貪嗜於財然所

推舉皆廉士賢於已者也於梁舉壺遂臧固邳他皆天

下名士

索隱邳音質他徒河反謂三人姓名也壺遂也臧固也邳他也若漢書則云至他言至於他處

亦舉名士也

士亦以此稱慕之唯天子以為國器安國為御

史大夫四歲餘丞相田蚡死安國行丞相事奉引墮車

蹇

集解如淳曰為天子導引而墮車跛足

天子議置相欲用安國使使視

之蹇甚乃更以平棘侯薛澤為丞相安國病免數月蹇

愈上復以安國為中尉歲餘徙為衛尉車騎將軍衛青

擊匈奴

集解徐廣曰元光六年也

出上谷破胡龍城

集解駰案龍音龍

將軍

李廣為匈奴所得復失之公孫敖大亡卒皆當斬贖為

庶人明年匈奴大入邊殺遼西太守及入鴈門所殺畧

數千人車騎將軍衛青擊之出鴈門衛尉安國為材官

將軍屯於漁陽

正義幽州縣

安國捕生虜言匈奴遠去即上

書言方田作時請且罷軍屯罷軍屯月餘匈奴大入上

谷漁陽安國壁乃有七百餘人出與戰不勝復入壁匈

奴虜略千餘人及畜產而去天子聞之怒使使責讓安

國徙安國益東屯右北平

正義幽州漁陽縣東南七十里北平城即漢右北平也

是時匈奴虜言當入東方安國始為御史大夫及護軍

後稍斥疏下遷而新幸壯將軍衛青等有功益貴安國

既疏遠默默也將屯又為匈奴所欺失亡多甚自愧幸

得罷歸乃益東徙屯意忽忽不樂數月病歐血死安國

以元朔二年中卒

太史公曰余與壺遂定律歷觀韓長孺之義壺遂之深

中隱厚

集解徐廣曰一云廉正忠厚

世之言梁多長者不虛哉壺遂

官至詹事天子方倚以為漢相會遂卒不然壺遂之內

廉行修斯鞠躬君子也

索隱述贊曰安國忠厚初為梁將因事坐法免徒起相死灰更然生虜失訪推賢見重賄金貽謗雪泣悟

主臣節可亮

史記卷一百八

史記卷一百八考證

韓長孺列傳公孫詭羊勝說孝王求為帝太子及益地
事恐漢大臣不聽乃陰使人刺漢用事謀臣及殺故
吳相袁盎○劉奉世曰刺漢謀臣在漢已立太子之
後此云求為太子恐大臣不聽故刺之與諸傳不同
當是此傳誤

因大行王恢言上○

臣照

按此下有天子詔問公卿安

國與王恢辨難之語見新序漢書用之

智足以當世取舍而出於忠厚焉索隱案出者去也言
安國為人無忠厚之行○董份曰知當世取舍者智
也智者宜或失於薄而安國乃又忠厚貪嗜於財宜
其所舉皆汙墨而安國又舉廉士太史所以稱之也
讀其文自見索隱繆徐孚遠曰出於忠厚言意本忠
厚也索隱解出為去言無忠厚之行非也觀贊語自
得之

史記卷一百八考證

欽定四庫全書薈要卷三千六百八十七

史部

史記卷一百九

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

李將軍列傳第四十九

李將軍廣者隴西成紀人也

正義成紀秦州縣

其先曰李信秦

時為將逐得燕太子丹者也故槐里徙成紀廣家世

受射

索隱案小顏云世受射法

孝文帝十四年匈奴大入蕭關而廣

以良家子從軍擊胡

索隱案如淳云非醫巫商賈百工也

用善騎射殺首

虜多為漢中郎廣從弟李蔡亦為郎皆為武騎常侍

索隱

謂為郎而補武騎常侍也

秩八百石嘗從行有所衝陷折關及格猛

獸而文帝曰惜乎子不遇時如今子當高帝時萬戶侯

豈足道哉及孝景初立廣為隴西都尉徙為騎郎將

集解

張晏曰為武騎郎將索隱小顏云為騎郎將謂主騎郎也

吳楚軍時廣為驍騎都尉

從太尉亞夫擊吳楚軍取旗顯功名昌邑下以梁王授

廣將軍印還賞不行

集解文穎曰廣為漢將私受梁印故不以賞也

徙為上谷

太守匈奴日以合戰典屬國公孫昆邪

集解駟案昆音魂索隱案典屬

國官名公孫姓昆邪名服虔云中國人也

為上泣曰李廣才氣天下無雙自

負其能數與虜敵戰恐亡之於是乃徙為上郡太守後

廣轉為邊郡太守徙上郡嘗為隴西北地鴈門代郡雲

中太守皆以力戰為名匈奴大入上郡天子使中貴人

從廣

集解駟案漢書音義曰內官之幸貴者索隱案董巴輿服志云黃門丞主密近使聽察天下天下謂

之中貴人使者崔浩云在中
而貴幸非德望故云中貴也
勒習兵擊匈奴中貴人將

騎數十縱

集解徐廣曰放縱馳騁

見匈奴三人與戰三人還射

正義

射音石還謂轉也

傷中貴人殺其騎且盡中貴人走廣廣曰是

必射雕者也

集解文穎曰雕鳥也故使善射者射也索隱案服虔云雕大鷲鳥也一名鷲黑色多

子可以其毛作矢羽韋昭云雕一名鷲也

廣乃遂從百騎往馳三人三人亡

馬步行行數十里廣令其騎張左右翼而廣身自射彼

三人者殺其二人生得一人果匈奴射雕者也已縛之

上馬望匈奴有數千騎見廣以為誘騎皆驚上山陳廣

之百騎皆大恐欲馳還走廣曰吾去大軍數十里今如此以百騎走匈奴追射我立盡今我留匈奴必以我為大軍誘之必不敢擊我廣令諸騎曰前前未到匈奴陳二里所止令曰皆下馬解鞍其騎曰虜多且近即有急奈何廣曰彼虜以我為走今皆解鞍以示不走用堅其意於是胡騎遂不敢擊有白馬將出護其兵

正義其將乘白馬而

出監護也

李廣上馬與十餘騎犇射殺胡白馬將而復還至

其騎中解鞍令士皆縱馬臥是時會暮胡兵終怪之不

敢擊夜半時胡兵亦以為漢有伏軍於旁欲夜取之胡

皆引兵而去平旦李廣乃歸其大軍大軍不知廣所之

故弗從居久之孝景崩武帝立左右以為廣名將也於

是廣以上郡太守為未央衛尉而程不識亦為長樂衛

尉程不識故與李廣俱以邊太守將軍屯及出擊胡而

廣行無部伍行陣

索隱案百官志云將軍領軍皆有部曲大將軍營五部部校尉一人部有

曲曲有軍候一人也

就善水草屯舍止人人自便

索隱便音頻面反

不擊

刁斗以自衛

集解孟康曰以銅作鐺器受一斗晝炊飯食夜擊持行名曰刁斗索隱刁音紹案荀

悅云刁斗小鈴如宮中傳夜鈴也蘇林曰形如銅以銅作之無緣受一斗故云刁斗銷即鈴也埤蒼云鑣溫器

有柄斗似鉢

莫府省約文書籍事

索隱案小顏云凡將軍謂之莫府者蓋兵

無緣音鑣

門合施帷帳故稱莫府古字通用

遂作莫耳小爾雅訓莫為大非也然亦遠斥候未嘗遇

害

索隱案許慎注淮南云斥度也候視也望也

程不識正部曲行伍營陳擊刁

斗士吏治軍簿至明軍不得休息然亦未嘗遇害不識

曰李廣軍極簡易然虜卒犯之無以禁也而其士卒亦

佚樂咸樂為之死我軍雖煩擾然虜亦不得犯我是時

漢邊郡李廣程不識皆為名將然匈奴畏李廣之畧士

卒亦多樂從李廣而苦程不識程不識孝景時以數直
諫為太中大夫為人廉謹於文法後漢以馬邑城誘單
于使大軍伏馬邑旁谷而廣為驍騎將軍領屬護軍將
軍是時單于覺之去漢軍皆無功其後四歲廣以衛尉
為將軍出鴈門擊匈奴匈奴兵多破敗廣軍生得廣單
于素聞廣賢令曰得李廣必生致之胡騎得廣廣時傷
病置廣兩馬間絡而盛臥廣行十餘里廣佯死睨其旁
有一胡兒騎善馬廣暫騰而上胡兒馬因推墮兒

集解
徐廣

曰一云抱兒
鞭馬南馳也

取其弓鞭馬南馳數十里復得其餘軍因

引而入塞匈奴捕者騎數百追之廣行取胡兒弓射殺
追騎以故得脫於是至漢漢下廣吏吏當廣所失亡多

為虜所生得當斬贖為庶人頃之家居數歲廣家與故

潁陰侯孫

集解駟案孫灌
嬰之孫名強

屏野居藍田南山中射獵嘗

夜從一騎出從人田間飲還至霸陵亭霸陵尉醉

案隱
案百

官志云尉大縣二人主盜賊
凡有賊發則推索尋案之也

呵止廣廣騎曰故李將軍

尉曰今將軍尚不得夜行何乃故也止廣宿亭下居無

何匈奴入殺遼西太守敗韓將軍韓將軍後徙右北平

集解蘇林曰韓安國

於是天子乃召拜廣為右北平太守廣即請

霸陵尉與俱至軍而斬之廣居右北平匈奴聞之號曰

漢之飛將軍避之數歲不敢入右北平廣出獵見草中

石以為虎而射之中石沒鏃

集解徐廣曰一作沒羽

視之石也因

復更射之終不能復入石矣廣所居郡聞有虎嘗自射
之及居右北平射虎虎騰傷廣廣亦竟射殺之廣廉得
賞賜輒分其麾下飲食與士共之終廣之身為二千石

四十餘年家無餘財終不言家產事廣為人長援臂

集解

如淳曰臂如猿通肩

其善射亦天性也雖其子孫他人學者莫能

及廣廣訥口少言與人居則畫地為軍陳射闊狹以飲

集解如淳曰射戲求疏密持酒以飲不勝者正義飲音於禁反

專以射為戲竟死

索隱謂終

竟廣身至死以為恒也

廣之將兵乏絕之處見水士卒不盡飲廣

不近水士卒不盡食廣不嘗食寬緩不苛士以此愛樂

為用其射見敵急非在數十步之內度不中不發發即

應弦而倒用此其將兵數困辱其射猛獸亦為所傷云

居頃之石建卒於是上召廣代建為郎中令元朔六年
廣復為後將軍從大將軍軍出定襄擊匈奴諸將多中
首虜率以功為侯者

集解如淳曰中猶充也
本秦法得首若干封侯

而廣軍無

功後三歲廣以郎中令將四千騎出右北平博望侯張
騫將萬騎與廣俱異道行可數百里匈奴左賢王將四
萬騎圍廣廣軍士皆恐廣乃使其子敢往馳之敢獨與
數十騎馳直貫胡騎出其左右而還告廣曰胡虜易與
耳軍士乃安廣為圜陳外嚮胡急擊之矢下如雨漢兵

死者過半漢矢且盡廣乃令士持滿毋發而廣身自以

大黃射其裨將

集解徐廣曰南都賦曰黃間機張善弩之名駟案鄭德曰黃肩弩淵中黃朱之

孟康曰太公六韜曰陷堅敗強敵用大黃連弩韋昭曰角弩色黃而體大也索隱案大黃間弩名韋昭說是也

殺數人胡虜益解會日暮吏士皆無人色而廣意氣自

如益治軍軍中自是服其勇也明日復力戰而博望侯

軍亦至匈奴軍乃解去漢軍罷弗能追是時廣軍幾沒

罷歸漢法博望侯留遲後期當死贖為庶人廣軍功自

如無賞初廣之從弟李蔡與廣俱事孝文帝景帝時蔡

積功勞至二千石孝武帝時至代相以元朔五年為輕

車將軍從大將軍擊右賢王有功中率封為樂安侯

索隱

中音丁仲反率音律亦音雙筆反小顏云率謂軍功封賞之科著在法令故云中率

元狩二年中

代公孫弘為丞相蔡為人在下中

索隱案以九品而論在下之中當第八

名聲出廣下甚遠然廣不得爵邑官不過九卿而蔡為

列侯位至三公諸廣之軍吏及士卒或取封侯廣嘗與

望氣王朔燕語曰自漢擊匈奴而廣未嘗不在其中而

諸部校尉以下才能不及中人然以擊胡軍功取侯者

數十人而廣不為後人

索隱謂不在人後也

然無尺寸之功以得

封邑者何也豈吾相不當侯邪且固命也朔曰將軍自
念豈嘗有所恨乎廣曰吾嘗為隴西守羌嘗反吾誘而
降降者八百餘人吾詐而同日殺之至今大恨獨此耳
朔曰禍莫大於殺已降此乃將軍所以不得侯者也後
二歲大將軍驃騎將軍大出擊匈奴廣數自請行天子
以為老弗許良久乃許之以為前將軍是歲元狩四年
也廣既從大將軍青擊匈奴既出塞青捕虜知單于所

居乃自以精兵走之而令廣并於右將軍軍

集解徐廣曰主爵趙

食其為右將軍

出東道東道少回遠而大軍行水草少其勢不

屯行

集解張晏曰以水草少不可羣輩

廣自請曰臣部為前將軍今大

將軍乃徙令臣出東道且臣結髮而與匈奴戰今乃一

得當單于

索隱案廣言自少時結髮而與匈奴戰唯今者得與單于相當遇也

臣願居前

先死單于大將軍青亦陰受上誡以為李廣老數奇

集解

如淳曰數為匈奴所敗奇為不偶也索隱案服虔云作事數不偶也音朔小顏音所具反奇蕭該音居宜反

毋令當單于恐不得所欲而是時公孫敖新失侯為中

將軍從大將軍大將軍亦欲使教與俱當單于故徙前將軍廣廣時知之固自辭於大將軍大將軍不聽令長史封書與廣之莫府曰急詣部如書

正義令廣如其文牒急引兵徙東道

也廣不謝大將軍而起行意甚愠怒而就部引兵與右

將軍食其合軍出東道

索隱食其音異基案趙將軍名也或亦依字讀

軍亡導

或失道

索隱謂無人導引軍故失道也

後大將軍大將軍與單于接戰

單于遁走弗能得而還南絕幕

正義絕度也南歸度沙幕

遇前將軍

右將軍廣已見大將軍還入軍大將軍使長史持糒醪

遺廣因問廣食其失道狀青欲上書報天子軍曲折

正義

言委曲而行迴折使軍後大將軍也

廣未對大將軍使長史急責廣之幕

府對簿廣曰諸校尉無罪乃我自失道吾今自上簿至
莫府廣謂其麾下曰廣結髮與匈奴大小七十餘戰今
幸從大將軍出接單于兵而大將軍又徙廣部行回遠
而又迷失道豈非天哉且廣年六十餘矣終不能復對
刀筆之吏遂引刀自剄廣軍士大夫一軍皆哭百姓聞
之知與不知無老壯皆為垂涕而右將軍獨下吏當死

贖為庶人廣子三人曰當戶椒敢為郎天子與韓嫣戲

索隱嫣或音偃又音許乾反

嫣少不遜當戶擊嫣嫣走於是天子以

為勇當戶早死拜椒為代郡太守皆先廣死當戶有遺

腹子名陵廣死軍時敢從驃騎將軍廣死明年李蔡以

丞相坐侵孝景園塠地

索隱塠音人絹反又音乃煨反又音而宣反案塠地神道之地

也黃圖云陽陵闕門西出神道四通茂陵神道廣四十丈也正義漢書云詔賜冢地陽陵當得二十畝蔡盜取三頃頗賣得四十餘萬又盜取神道外塠地一畝葬其中當下獄自殺

當下吏治蔡亦自

殺不對獄國除李敢以校尉從驃騎將軍擊胡左賢王

力戰奪左賢王鼓旗斬首多賜爵闕內侯食邑二百戶

代廣為郎中令頃之怨大將軍青之恨其父

索隱小顏云令其父

恨而死

乃擊傷大將軍大將軍匿諱之居無何敢從上雍

索隱劉氏音尚大顏云雍地形高故云上

至甘泉宮獵驃騎將軍去病與青

有親射殺敢去病時方貴幸上諱云鹿觸殺之居歲餘

去病死

集解徐廣曰元狩六年

而敢有女為太子中人愛幸敢男

禹有寵於太子然好利李氏陵遲衰微矣李陵既壯選

為建章監監諸騎善射愛士卒天子以為李氏世將而

使將八百騎嘗深入匈奴二千餘里過居延

集解徐廣曰屬張掖

正義括地志云居延海在甘州張掖縣東北六十四里地理志云居延澤古文以為流沙甘州在京西北二千

四百六十里

視地形無所見虜而還拜為騎都尉將丹陽楚

人五千人教射酒泉張掖以屯衛胡數歲天漢二年秋

貳師將軍李廣利將三萬騎擊匈奴右賢王於祁連天

山集解徐廣曰出燉煌至天山索隱案晉灼云在西域近蒲類又西河舊事云白山冬夏有雪匈奴謂之天

山正義括地志云祁連山在甘州張掖縣西南二百里天山一名白山今名初羅漫山也在伊吾縣北百二十

里伊州在京西北千四百一十六里

而使陵將其射士步兵五千人出

居延北可千餘里欲以分匈奴兵毋令專走貳師也陵既至期還而單于以兵八萬圍擊陵軍陵軍五千人兵矢既盡士死者過半而所殺傷匈奴亦萬餘人且引且戰連鬪八日還未到居延百餘里匈奴遮狹絕道陵食乏而救兵不到虜急擊招降陵陵曰無面目報陛下遂降匈奴其兵盡沒餘亡散得歸漢者四百餘人單于既得陵素聞其家聲及戰又壯乃以其女妻陵而貴之漢聞族陵母妻子自是之後李氏名敗而隴西之士居門

下者皆用為恥焉

大史公曰傳曰其身正不令而行其身不正雖令不從

其李將軍之謂也余睹李將軍悛悛如鄙人

索隱悛音七旬反漢

書作悛
悛音詢

口不能道辭及死之日天下知與不知皆為盡

哀彼其忠實心誠信於士大夫也諺曰桃李不言下自

成蹊

索隱案姚氏云桃李本不能言但以華實感物故人不期而往其下自成蹊徑也以喻廣雖不能道

辭能有所感而
忠心信物故也此言雖小可以諭大也

索隱述贊曰援臂善射實負其庸解鞍却敵圓陣摧
鋒邊郡屢守大軍再從失道見斥數奇不封惜哉名

將天下
無雙

史記卷一百九

史記卷一百九考證

李將軍列傳廣以良家子從軍擊胡索隱案如淳云非
醫巫商賈百工也。○徐孚遠曰良家子從軍蓋自以
才力從大將軍取功名非卒伍也如說不分明

而是時公孫敖新失侯為中將軍從大將軍。○劉奉世
刊誤曰按青去病傳是歲出塞無中將軍而敖傳是
歲以校尉從大將軍此傳誤也

貳師將軍李廣利將三萬騎擊匈奴右賢王於祁連天

山○凌稚隆曰一本王下無於字

史記卷一百九考證

謹案卷一百六第八頁後六行走音奏刊本奏訛

後據蒙恬傳注改

第九頁後五行人戶三千刊本戶訛邑今改

第十頁後五行願屏左右刊本屏訛并今改

第十三頁後二行地理志云城陽國故齊刊本城

陽下複衍志云城陽四字今刪

第十五頁後二行今入于江刊本于訛平今改

第十六頁後一行且以誅錯刊本誅訛誅今改

卷一百七第二頁前二行故因改氏刊本因訛國

據毛本索隱改

第三頁前七行沾一作怙刊本怙訛恬據索隱音

訓改

第八頁前四行索隱搏音搏刊本兩字俱作搏今

改

第十一頁後一行猶今人言為餘地刊本餘訛除

今改

第十六頁前三行衣蔽前謂之襜刊本衣訛今據
爾雅改

卷一百八第一頁後一行地理志云成安屬潁川
郡刊本地理志訛作括地志據漢書改

第八頁後二行即漢右北平也刊本右訛古今改
第九頁前四行索隱述贊生虜失訪刊本訪訛防
據毛本索隱改

卷一百九第四頁前一行索隱銅即鈴也此解蘇

林形如銅句刊本銅訛鑑據毛本索隱改

第四頁前四行案許慎注淮南云刊本脫注字據

毛本索隱增

第六頁後三行集解本秦法得首若干封侯刊本

秦訛義今改



懷麓堂藏書

總校官庶吉士臣侍朝

校對官檢討臣郭寅

膳錄監生臣馬嗣全

膳錄監生臣徐麟趾

欽定四庫全書薈要

史部

史記

卷一百

十一



詳校官主事銜臣徐以坤

欽定四庫全書叢要卷三千六百八十八

史部

史記卷一百十

漢 太

史

令司馬遷

撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

匈奴列傳第五十

正義此卷或有本次平津侯後第五十二今第
五十者先生舊本如此劉伯莊云亦然若先諸

傳而次四夷則司馬
汲鄭不合在後也

匈奴其先祖夏后氏之苗裔也曰淳維

集解駟案漢書音義曰匈奴始

祖名索隱張晏曰淳維以殷時奔北邊又樂彥括地譜云夏桀無道湯放之鳴條三年而死其子獯粥妻桀之衆妾避居北野隨畜移徙中國謂之匈奴其言夏后苗裔或當然也故應劭風俗通曰殷時曰獯粥改曰匈奴又晉灼云堯時曰葷粥周曰獯粥秦曰匈奴韋昭云漢曰匈奴葷粥其別名則淳維是其始祖蓋與獯粥是一也

唐虞以上有山戎

正義左傳莊三十年齊人伐山戎杜預云山戎北戎無終三名也括

地志云幽州漁陽縣本北戎無終子國

獯粥

集解晉灼曰堯時曰葷粥周曰獯粥秦曰匈奴

居于北蠻隨畜牧而轉移其畜之所多則馬牛羊其奇

畜則橐駝

索隱韋昭曰背肉似橐故云橐駝包愷音託佗正義畜許六反

驢羸

索隱按古今注

云驢特馬牝生羸

駃騠

集解徐廣曰北狄駿馬索隱說正義羸音力戈反文云駃騠馬父羸子也廣志音

決蹄也發蒙記刳其母腹而

生列女傳云生七日超其母

駉駉

集解徐廣曰似馬而青索隱按郭璞注爾

雅云駉駉馬青色音淘塗又字林云野馬山

驪駉

集解徐廣

海經云北海內有獸其狀如馬其名駉駉也

日音顛巨虛之屬

索隱說文云野馬屬一云青驪驪驪又如驪魚鄒誕生本駉字作奚

逐水草遷

徙毋城郭常處耕田之業然亦各有分地

索隱分音扶糞反

毋

文書以言語為約束兒能騎羊引弓射鳥鼠少長則射

狐兔用為食

索隱少音式紹反長陟兩反少長謂年稍長

士力能彎弓

索隱彎音

烏還反

盡為甲騎其俗寬則隨畜因射獵禽獸為生業急

則人習戰攻以侵伐其天性也其長兵則弓矢短兵則

刀鋌

集解韋昭曰鋌形似矛鐵柄音時年反索隱音蟬埤蒼云鋌小矛鐵矜古今字詁云矜矛矜也

利

則進不利則退不羞遁走苟利所在不知禮義自君王

以下咸食畜肉衣其皮革被旃裘壯者食肥美老者食

其餘貴壯健賤老弱父死妻其後母兄弟死皆取其妻

妻之其俗有名不諱而無姓字

集解駰案漢書曰單于姓孛鞬氏索隱孛音六

緣反鞬音丁啼反

夏道衰而公劉失其稷官

集解徐廣曰后稷之曾孫正義周本

紀云不密失其官此云公劉未詳也

變于西戎邑于豳其後三百有餘歲

戎狄攻大王亶父

集解徐廣曰公劉九世孫

亶父亡走岐下而豳人

悉從亶父而邑焉作周

索隱按謂始作周國也

其後百有餘歲周

西伯昌伐畎夷氏

索隱韋昭云春秋以為犬戎按畎音犬小顏云即昆夷也山海經云黃帝

生苗苗生龍龍生融融生吾吾生并明并明生白白生犬犬有二壯是為犬戎說文云赤狄本犬種字從犬又山海經云有人面獸身名犬夷賈逵云犬夷戎之別種也後十有餘年武王伐紂而

營雒邑復居于酆鄩放逐戎夷涇洛之北

索隱晉灼曰洛水在馮翊

懷德縣東南入渭又紫水經云出上郡彫陰泰昌山過華陰入渭即漆沮水也

以時入貢命曰

荒服其後二百有餘年周道衰

索隱案周紀云懿王時王室衰詩人作怨刺之

詩不能復雅也

而穆王伐犬戎得四白狼四白鹿以歸自是之

後荒服不至於是周遂作甫刑之辟穆王之後二百有

餘年周幽王用寵姬褒姒之故與申侯有卻

正義故申城在鄧州

南陽縣北三十里周宣王舅所封

申侯怒而與犬戎共攻殺周幽王于

驪山之下

集解韋昭曰戎後來居此山故號曰驪戎

遂取周之焦獲

正義括地志云

焦獲亦名猷口亦曰猷中在雍州涇陽縣城北十數里周有焦獲也

而居于涇渭之間侵

暴中國秦襄公救周於是周平王去酆鄩而東徙維也邑

當是之時秦襄公伐戎至岐

正義今岐州高誘云秦襄公救周有功受周故地鄠

鄠列為諸侯也

始列為諸侯是後六十有五年而山戎越燕而

伐齊

索隱服虔云山戎蓋今鮮卑胡廣云鮮卑東胡別種又案應奉云秦築長城徙士亡出塞外依鮮卑

山因為號

齊釐公與戰于齊郊

索隱釐音僖名諸兒也

其後四十四年

而山戎伐燕燕告急于齊齊桓公北伐山戎山戎走其

後二十有餘年而戎狄至洛邑伐周襄王襄王奔于鄭

之汜邑

索隱蘇林汜音凡今潁川襄城是

初周襄王欲伐鄭故娶戎狄

女為后與戎狄兵共伐鄭已而黜狄后狄后怨而襄王

後母曰惠后有子子帶欲立之於是惠后與狄后子帶

為內應開我狄戎狄以故得入破逐周襄王而立子帶

為天子於是戎狄或居于陸渾

集解徐廣曰一為陸邑索隱春秋左氏秦晉遷

陸渾之戎于伊川杜預以為允姓之戎居陸渾在秦晉之間二國誘而徙之伊川遂從戎號今陸渾縣是也東

至於衛侵盜暴虐中國中國疾之故詩人歌之曰戎狄

是膺薄伐獫狁至于太原

集解駉案毛詩傳曰言逐出之而已

出輿彭彭

城彼朔方

集解駉案毛詩傳曰彭彭四馬貌朔方北方正義言獫狁既去北方安靜乃築城守之也

周襄王既居外四年乃使使告急于晉晉文公初立欲

修霸業乃興師伐逐戎翟誅子帶迎內周襄王居于雒

邑當是之時秦晉為彊國晉文公攘戎翟居于河內圉

洛之間

集解徐廣曰圉在西河音銀洛在上郡馮翊間索隱三蒼圉作園地理志云園水出上郡白土

縣西東流入河韋昭云園當為圉續郡國志及太康地理志並作園字也正義括地志云白土故城在鹽州白

池東北三百九十里又云近延州綏州銀州本春秋時白狄所居七國屬魏後入秦秦置三十六郡洛漆沮也

號曰赤翟白翟

索隱案左傳云晉師滅赤狄潞氏杜氏以潞赤翟之別種也今上黨潞縣又春

秋地名云今日赤涉胡又晉師敗翟于箕郤缺獲白狄子杜氏以為白翟之別種故西河郡有白部胡又國語云桓公西征攘白翟之地遂至于西河正義括地志云潞州本赤狄地延銀綏三州白翟地按文言圉洛之間

號赤狄
未詳

秦穆公得由余西戎八國服於秦故自隴以西

有縣諸

正義括地志云縣諸城秦州秦嶺縣北五十六里漢縣諸道屬天水郡

緄戎

正義緄音

昆字當作混顏師古云混夷也韋昭云春秋以為犬戎

翟獯之戎

集解徐廣曰在天水獯音丸索

隱地理志天水有綿諸道獯道應劭以獯戎邑音桓正義括地志云獯道故城在渭州襄武縣東南三十七里

古之獯戎邑漢獯道屬天水郡

岐梁山涇漆之北有義渠

正義括地志云寧州慶州

西戎即劉拘邑城時為義渠戎國秦為北地郡也

大荔

集解徐廣曰後更名臨晉在馮翊索隱韋昭云

義渠本西戎國有王秦滅之今在北地郡秦本紀厲共公伐大荔取其王城後更名臨晉故地理志云臨晉故大荔國也正義括地志云同州馮翊縣及朝邑縣本漢臨晉縣地古大荔戎國今朝邑縣東三十步故王城即

大荔王城

烏氏

集解徐廣曰在安定正義氏音支括地志云烏氏故城在涇州安定縣東三十

里周之故地後入戎秦惠王取之置烏氏縣也

胸衍之戎

集解徐廣曰在北地胸音項于反索隱案

地理志胸衍縣名在北地鄭氏音吁正義括地志云鹽州古戎狄居之即胸衍戎之地秦北地郡也

而晉

北有林胡

集解如淳曰林胡即儋林為李牧所滅正義括地志云朔州春秋時北地也

樓煩

之戎

索隱地理志樓煩縣名屬鴈門應劭云故樓煩胡也正義括地志云嵐州樓煩胡地也風俗通云故

樓煩胡

燕北有東胡山戎

集解駉案漢書音義曰烏丸或云鮮卑索隱服虔云東胡

地也

烏丸之先後為鮮卑在匈奴東故曰東胡案續漢書曰漢初匈奴冒頓滅其國餘類保烏桓山以為號俗隨水

草居無常處以父之名字為姓父子男女悉髡頭為輕便也

各分散居谿谷自有君

長往往而聚者百有餘戎然莫能相一自是之後百有

餘年晉悼公使魏絳和戎翟戎翟朝晉後百有餘年趙

襄子踰句注

集解駟案音鈎山名在雁門索隱服虔云句音拘韋昭云山名在陰館

而破

并代以臨胡貉

索隱案貉即滅也音亡格反

其後既與韓魏共滅智

伯分晉地而有之則趙有代句注之北魏有河西上郡

以與戎界邊其後義渠之戎築城郭以自守而秦稍蠶

食至於惠王遂拔義渠二十五城惠王擊魏魏盡入西

河及上郡于秦秦昭王時義渠戎王與宣太后亂

集解駟案

昭王母也

有二子宣太后詐而殺義渠戎王於甘泉遂起兵

伐殘義渠於是秦有隴西北地上郡築長城以拒胡而

趙武靈王亦變俗胡服習騎射北破林胡樓煩築長城

正義括地志云趙武靈王長城在朔州善陽縣北案水經云百道長城北山上有長垣若頽毀焉公溪亘嶺東

西無極蓋趙靈王所築也

自代並

集解駟案音傍白浪反

陰山

索隱徐廣云西安陽縣北有陰

山陰山在河南陽山北也正義括地志云陰山在朔州北塞外突厥界

下至高闕為塞

集解

徐廣曰在朔方正義地理志云朔方臨戎縣北有連山險於長城其山中斷兩峯俱峻土俗名為高闕也而

置雲中鴈門代郡其後燕有賢將秦開為質於胡胡甚

信之歸而襲破走東胡卻千餘里與荆軻刺秦王

秦舞陽者開之孫也燕亦築長城自造陽

集解韋昭曰地名在上谷

正義按上谷郡今鳩州

至襄平

索隱韋昭云今遼東所理也

置上谷漁陽右北

平遼西遼東郡以拒胡當是之時冠帶戰國七而三國

邊於匈奴

索隱案三國燕趙秦也

其後趙將李牧時匈奴不敢入

趙邊後秦滅六國而始皇帝使蒙恬將十萬之衆北擊

胡悉收河南地因河為塞

索隱案太康地記秦塞自五原北九里謂之造陽東行終

利賁山南漢陽西是也

築四十四縣城臨河徙適戍以充之

集解案

適音丁而通直道索隱蘇林云去長安八千里正南北相直道也自九原至雲

陽

索隱韋昭云九原縣屬五原正義括地志云勝州連谷縣本秦九原郡漢武帝更名五原雲陽雍縣秦之

林光宮即漢之甘泉宮在焉又云秦故道在慶州華池縣西四十五里子午山上自九原至雲陽千八百里

因邊山險澗谿谷可繕者治之起臨洮至遼東萬餘里

索隱韋昭曰臨洮隴西縣正義括地志云秦隴西郡臨洮縣即今岷州城本秦長城首起岷州西十二里延袤

萬餘里東又度河據陽山北假中集解駟案北假北方田官主以田假與貧

入遼水

又度河據陽山北假中

集解駟案北假北方田官主以田假與貧

人故云北假索隱應劭云北假在北地陽山北韋昭云北假地名正義括地志云漢五原郡河目縣故城在北

假中北假在河北今屬勝州銀城縣當是之時東胡彊

漢書王莽傳云五原北假膏壤殖穀

而月氏盛

正義氏音支括地志云涼甘肅延沙等州地本月氏國

匈奴單于

集解駢案

漢書音義曰單于者廣大之貌言其象天單于然索隱按單于姓攣鞮氏其國稱之曰攣黎孤塗單于匈奴謂天為攣黎謂子為孤塗單于者廣大之貌言其象天故曰攣黎孤塗單于又玄晏春秋云士安讀漢書不詳此言有胡奴在側言之曰此胡所謂天子與古書所說符會也

曰頭曼

集解韋昭曰曼音瞞索隱曼音

莫官反

頭曼不勝秦北徙十餘年而蒙恬死諸侯畔秦中

國擾亂諸秦所徙適戍邊者皆復去於是匈奴得寬復

稍度河南與中國界於故塞單于有太子名冒頓

索隱冒音

墨又後有所愛閼氏

索隱閼氏舊音曷氏匈奴皇后號也習鑿齒與燕王書云山下有紅

藍足下先知不北方人採取其花染緋黃按取其上英
鮮者作烟支婦人採摛用為顏色吾少時再三過見烟
支今日始親紅藍後當為足下致其種匈奴名妻作
闕氏今可音烟支想足下先亦不作此讀漢書也 生少

子而單于欲廢冒頓而立少子乃使冒頓質於月氏冒
頓既質於月氏而頭曼急擊月氏月氏欲殺冒頓冒頓

盜其善馬騎之亡歸頭曼以為壯令將萬騎冒頓乃作

為鳴鏑

集解駢案漢書音義曰鏑箭也如今鳴射也韋昭曰矢鏑飛則鳴索隱應劭云隄箭也

習

勒其騎射令曰鳴鏑所射而不悉射者斬之行獵鳥獸
有不射鳴鏑所射者輒斬之已而冒頓以鳴鏑自射其

善馬左右或不敢射者冒頓立斬不射善馬者居頃之
復以鳴鏑自射其愛妻左右或頗恐不敢射冒頓又復
斬之居頃之冒頓出獵以鳴鏑射單于善馬左右皆射
之於是冒頓知其左右皆可用從其父單于頭曼獵以
鳴鏑射頭曼其左右亦皆隨鳴鏑而射殺單于頭曼遂
盡誅其後母與弟及大臣不聽從者冒頓自立為單于
冒頓既立

集解徐廣曰秦二世元年壬辰歲立

是時東胡彊盛聞冒頓殺

父自立乃使使謂冒頓欲得頭曼時有千里馬冒頓問

羣臣羣臣皆曰千里馬匈奴寶馬也勿與冒頓曰奈何
與人鄰國而愛一馬乎遂與之千里馬居頃之東胡以
為冒頓畏之乃使使謂冒頓欲得單于一闕氏冒頓復
問左右左右皆怒曰東胡無道乃求闕氏請擊之冒頓
曰奈何與人鄰國愛一女子乎遂取所愛闕氏予東胡
東胡王愈益驕西侵與匈奴間中有棄地莫居千餘里
各居其邊為甌脫

集解韋昭曰界上屯守處索隱服虔云作土室以伺漢人又纂文曰甌脫

土穴也又云是地名故下云生得甌脫王甌音一侯反脫音同活反正義按境上斥堠之室為甌脫也

東

胡使使謂冒頓曰匈奴所與我界甌脫外棄地匈奴非
能至也吾欲有之冒頓問羣臣羣臣或曰此棄地予之
亦可勿與亦可於是冒頓大怒曰地者國之本也奈何
予之諸言予之者皆斬之冒頓上馬令國中有後者斬
遂東襲擊東胡東胡初輕冒頓不為備及冒頓以兵至
擊大破滅東胡王而虜其民人及畜產既歸西擊走月
氏南并樓煩白羊河南王

索隱如淳曰白羊王居河南

侵燕代悉復

收秦所使蒙恬所奪匈奴地者與漢關故河南塞至朝

那膚施

集解徐廣曰在上郡正義漢朝那故城在原州百泉縣西七十里屬安定郡膚施縣秦因不改

今延州膚施縣是也

遂侵燕代是時漢兵與項羽相距中國罷於

兵革以故冒頓得自彊控弦之士三十餘萬自淳維以

至頭曼千有餘歲時大時小別散分離尚矣其世傳不

可得而次云然至冒頓而匈奴最彊大盡服從北夷而

南與中國為敵國其世傳國官號乃可得而記云置左

右賢王左右谷蠡王

集解服虔曰谷音鹿蠡音離索隱蠡又音黎

左右大將

左右大都尉左右大當戶左右骨都侯

集解駙案骨都異姓大臣索隱

裴氏所引據後漢書下呼衍注亦然

匈奴謂賢曰屠者

集解徐廣曰屠一作諸

故常

以太子為左屠者王自如左右賢以下至當戶大者萬騎小者數千凡二十四長立號曰萬騎諸大臣皆世官

呼衍氏蘭氏

正義顏師古云呼衍即今鮮卑姓呼延者也蘭姓今亦有之

其後有須

卜氏

集解駰案須卜氏主獄訟正義後漢書云呼衍氏須卜氏常與單于婚姻

此三姓其貴

種也諸左方王將居東方直上谷

索隱案姚氏云古字例以直為值值者當

也正義上谷郡今媯州也言匈奴東方南出直當媯州也

以往者東接穢貉朝鮮右

方王將居西方直上郡

正義上郡故城在涇州上縣東南五十里言匈奴西方南直當

綏州也

以西接月氏氏羌

索隱案風俗通云氏本西南夷種地理志武都有白馬氏又魚

豢魏畧云漢置武都郡排其種人分竈山谷或號青氏或號白氏纂文云氏亦羊稱說文云羌西方牧羊人續

漢書云羌三苗姜姓之別舜徙于三危今河關之西南羌是也而單于之庭直代雲中

索隱案謂匈奴所都處為庭樂彥云單于無城郭不知何以國之穹廬前地若庭故云庭正義代郡城北狄代國秦漢代縣城也在蔚州羌胡縣北百五十里雲中故城趙雲中城秦雲中郡在勝州榆林縣東北四十里言匈奴之南直各有分地逐水草移徙而左右賢王左右當代雲中也

谷蠡王最為大國左右骨都侯輔政諸二十四長亦各

自置千長百長什長

索隱案續漢書郡國志云里有魁又有什伍里魁掌一里百家什主

十家伍主伍家以相檢察故賈誼過秦論以為俛起什百之中是也

裨小王相封

集解徐廣曰一

將都尉當戶且渠之屬

正義且子餘反顏師古云今之沮渠姓蓋本因此官

歲正

月諸長小會單于庭祠五月大會龍城

索隱漢書作龍城亦龍字崔浩

云西方胡皆事龍神故名大會處為龍城後漢書云匈奴俗歲有三龍祠祭天神

祭其先天地

鬼神秋馬肥大會蹕林

集解駟案漢書音義曰匈奴秋社八月中皆會祭處蹕音帶索

隱鄭氏云蹕林地名也晉灼曰李陵與蘓武書云相競趨蹕林則服虔說是也又韋昭音多藍反姚氏案李牧傳大破匈奴滅襜褕此字與韋昭音頗同然林襜聲相近或以林為襜也正義顏師古云蹕者遶林木而祭也鮮卑之俗自古相傳秋祭無林木者尚豎柳枝衆騎馳遶三周乃止此其遺法也

課校人畜

正義

許六
反計其法拔刃尺者死坐盜者沒入其家有罪小者

軋集解駟案漢書音義曰刃刻其面索隱軋音烏八反

軋鄧展云軋歷也如淳云搥杖也三蒼云軋輓也說文

輓輓輓其骨節若今之厭蹠者也大者死獄久者不過

十日一國之囚不過數人而單于朝出營拜日之始生

夕拜月其坐長左而北鄉正義其座北向長者日上戊

己其送死有棺槨金銀衣裘而無封樹喪服集解張華

冢曰近幸臣妾從死者多至數千百人正義漢書作數

逗落云或數十人舉事而候星月月盛壯則攻戰月虧則退兵

其攻戰斬首虜賜一卮酒而所得鹵獲因以予之得人
以為奴婢故其戰人人自為趣利善為誘兵以冒敵故
其見敵則逐利如鳥之集其困敗則瓦解雲散矣戰而
扶輿死者盡得死者家財後北服渾庾屈射丁零

索隱
魏畧

云丁零在康居北去匈奴庭接習水七千里又云匈奴北有渾窳國射音亦又音石鬲昆薪犁之

國

正義已上五
國在匈奴北

於是匈奴貴人大臣皆服以冒頓單于

為賢是時漢初定中國徙韓王信於代都馬邑匈奴大
攻圍馬邑韓王信降匈奴匈奴得信因引兵南踰句注

攻太原至晉陽下高帝自將兵往擊之會冬大寒雨雪

卒之墮指者十二三於是冒頓詳敗走誘漢兵漢兵逐

擊冒頓冒頓匿其精兵見其羸弱於是漢悉兵多步兵

三十二萬北逐之高帝先至平城

集解徐廣曰在鴈門

步兵未盡

到冒頓縱精兵四十萬騎圍高帝於白登

正義白登臺在白登山

朔州定襄縣東三十里定襄縣漢平城縣也

七日漢兵中外不得相救餉匱

奴騎其西方盡白馬東方盡青驪馬

索隱驪音武江反案青驪青色馬也

正義鄭元云驪不純也說文云驪面額皆白爾雅云黑馬面白也

北方盡烏驪馬

索隱說文

云驪

黑色南方盡驛馬

索隱詩傳曰赤黃曰驛

高帝乃使使問厚遺關

氏關氏乃謂冒頓曰兩主不相困今得漢地而單于終

非能居之也且漢王亦有神單于察之冒頓與韓王信

之將王黃趙利期而黃利兵又不來疑其與漢有謀亦

取關氏之言乃解圍之一角於是高帝令士皆持滿傳

矢外鄉

索隱傳音附鄉音嚮

從解角直出竟與大軍合而冒頓遂

引兵而去漢亦引兵而罷使劉敬結和親之約是後韓

王信為匈奴將及趙利王黃等數倍約侵盜代雲中居

無幾何陳豨反又與韓信合謀擊代漢使樊噲往擊之

復拔代鴈門雲中郡縣不出塞是時匈奴以漢將衆往

降故冒頓常往來侵盜代地於是漢患之高帝乃使劉

敬奉宗室女公主為單于閼氏歲奉匈奴絮繒酒米食

物各有數約為昆弟以和親冒頓乃少止後燕王盧綰

反率其黨數千人降匈奴往來苦上谷以東高祖崩孝

惠呂太后時漢初定故匈奴以驕冒頓乃為書遺高后

妄言高后欲擊之

索隱案漢書云高后時冒頓寢驕乃使使遺高后書曰孤債之君生於沮

澤之中長於平野牛馬之域數至邊境願遊中國陛下
獨立孤債獨居兩主不樂無以自娛願以所有易其所
無高后怒諸將曰以高帝賢武然尚困於平城於是高
欲擊之

后乃止

索隱索漢書季布諫高后乃止

復與匈奴和親至孝文帝初立

復修和親之事其三年五月匈奴右賢王入居河南地

侵盜上郡葆塞蠻夷殺略人民於是孝文帝詔丞相灌

嬰發車騎八萬五千詣高奴

正義延州城本漢高奴縣舊都

擊右賢王

右賢王走出塞文帝幸太原是時濟北王反文帝歸罷

丞相擊胡之兵其明年單于遺漢書曰天所立匈奴大

單于敬問皇帝無恙前時皇帝言和親事稱書意合歡

漢邊吏侵侮右賢王右賢王不請聽後義盧侯難氏

集解

徐廣曰音支索隱匈奴將名也

等計與漢吏相距絕二主之約離兄弟

之親皇帝讓書再至發使以書報不來漢使不至漢以其故不和鄰國不附今以小吏之敗約故罰右賢王使之西求月氏擊之以天之福吏卒良馬彊力以夷滅月

氏盡斬殺降下之定樓蘭

集解徐廣曰一云樓湟正義漢書云鄯善國名樓蘭去長

安一千六百里烏孫呼揭

集解駟案音桀索隱又音丘列反正義揭音犁又其列反二國皆在瓜州

西北烏孫戰國時居瓜州

及其旁二十六國皆以為匈奴

索隱謂皆已入匈奴

國也諸引弓之民并為一家北州已定願寢兵休士卒養

馬除前事復故約以安邊民以應始古使少者得成其

長者安其處世世平樂未得皇帝之志也故使郎中

係雱淺奉書

集解駟案雱音火胡反索隱係胡計反雱漢書作虜

請獻橐他一匹

騎馬二匹駕二馬

正義顏師古云駕可駕車也駟八匹馬也

皇帝即不欲匈

奴近塞則且詔吏民遠舍使者至即遣之以六月中來

至薪望之地

集解駟案漢書音義曰塞下地名索隱服虔云漢界上塞下之地今匈奴使至於此

也書至漢議擊與和親孰便公卿皆曰單于新破月氏
乘勝不可擊且得匈奴地澤鹵

正義澤
音息

非可居也和親

甚便漢許之孝文皇帝前六年漢遺匈奴書曰皇帝敬
問匈奴大單于無恙使郎中係雱淺遺朕書曰右賢王
不請聽後義盧侯難氏等計絕二主之約離兄弟之親
漢以故不和鄰國不附今以小吏敗約故罰右賢王使
西擊月氏盡定之願寢兵休士卒養馬除前事復故約
以安邊民使少者得成其長者安其處世世平樂朕

甚嘉之此古聖主之意也漢與匈奴約為兄弟所以遺

單于甚厚倍約離兄弟之親者常在匈奴然右賢王事

已在赦前單于勿深誅單于若稱書意明告諸吏使無

負約有信敬如單于書使者言單于自將伐國有功甚

苦兵事服繡袷綺衣繡袷長襦集解徐廣曰一本無袷字索隱案小顏云服者

言天子自所服也以繡為表綺為裏以賜冒頓字林云袷衣無絮也音公洽及錦袷袍各一比

余一集解徐廣曰或作疏比也索隱案漢書作比疎一比音鼻小顏云辮髮之飾也以金為之廣雅云比

櫛也蒼頡篇云靡者為比黃金飾具帶一集解駸案漢書音義

日要中

黃金胥純一

集解徐廣曰或作犀毗而無一字索隱漢書見作犀毗此作胥者胥

犀聲相近或誤張晏云鮮卑郭落帶瑞獸名也東胡好

服之戰國策云趙武靈王賜周紹具帶黃金師比延篤

云胡革帶鈎也則此帶鈎亦名師比則胥犀與師並相

近而說各異耳班固與竇憲牋云賜犀比金頭帶是也

繡十匹錦三十匹赤綈

正義綈音啼

綠繒各四十匹

索隱案說文云

綈厚繒也

使中大夫意謁者令肩遺單于後頃之冒頓死子

稽粥立

索隱稽音雞粥音育

號曰老上單于老上稽粥單于初立

集解徐廣曰一云稽粥第

二單于自後皆以第別之

孝文皇帝復遣宗室女公主

為單于閼氏使宦者燕人中行說

正義行音胡郎反中行姓說名也

傳

公主說不欲行漢疆使之說曰必我行也為漢患者中行說既至因降單于單于甚親幸之初匈奴好漢繒絮食物中行說曰匈奴人衆不能當漢之一郡然所以疆者以衣食異無仰於漢也今單于變俗好漢物漢物不過什二則匈奴盡歸於漢矣

集解韋昭曰言漢物什中之二入匈奴匈奴則動心

歸漢矣

其得漢繒絮以馳草棘中衣袴皆裂敝以示不如

旃裘之完善也得漢食物皆去之以示不如湏酪之便

美也

集解駰案湏乳汁也音都奉反索隱字林云湏音竹用反穆天子傳云牛馬之湏臣蒐人所具也

於是說教單于左右疏記以計課其人衆畜物

正義畜許六反

漢遺單于書牘以尺一寸辭曰皇帝敬問匈奴大單于
無恙所遺物及言語云云中行說令單于遺漢書以尺
二寸牘及印封皆令廣大長倨傲其辭曰天地所生日
月所置匈奴大單于敬問漢皇帝無恙所以遺物言語
亦云云漢使或言曰匈奴俗賤老中行說窮漢使曰而
漢俗屯戍從軍當發者其老親豈有不自脫溫厚肥美
以齎送飲食行戍乎漢使曰然中行說曰匈奴明以戰

攻為事其老弱不能鬪故以其肥美飲食壯健者蓋以自為守衛如此父子各得久相保何以言匈奴輕老也

漢使曰匈奴父子乃同穹廬而卧

集解駙案漢書音義曰穹廬旗帳

父

死妻其後母兄弟死盡取其妻妻之無冠帶之飾闕庭之禮中行說曰匈奴之俗人食畜肉飲其汁衣其皮畜食草飲水隨時轉移故其急則人習騎射寬則人樂無事其約束輕易行也君臣簡易一國之政猶一身也父子兄弟死取其妻妻之惡種姓之失也故匈奴雖亂必

立宗種今中國雖詳不取

索隱詳漢書作陽此亦音羊

其父兄之妻

親屬益疎則相殺至乃易姓皆從此類且禮義之敝上

下交怨望而室屋之極生力必屈

索隱以言棟宇室屋之作人盡極其力以

營其生至於氣力屈竭也屈音其物反

夫力耕桑以求衣食築城郭以自

備故其民急則不習戰功緩則罷於作業嗟土室之人

顧無多辭令喋喋

集解駟案音諜利口也

而佔佔

集解駟案昌占反衣裳貌

冠

固何當

集解駟案言雖復著冠固何益所當索隱鄧展曰佔聶耳語服虔曰口舌為喋如淳曰汝漢人

多口居室中固自宜着冠且不足貴也小顏云言漢人且當思念無為喋喋佔佔耳雖自謂着冠何所當益也

自是之後漢使欲辯論者中行說輒曰漢使無多言顧

漢所輸匈奴繒絮米藥令其量中必善美而已矣何以

為言乎且所給備善則已不備苦惡

集解韋昭曰苦麓也音若靡鹽之鹽

則候秋孰以騎馳蹂而稼穡耳

集解徐廣曰蹂音而九反

日夜教單

于候利害處漢孝文皇帝十四年匈奴單于十四萬騎

入朝那蕭關殺北地都尉印

集解徐廣曰姓孫其子單封為緡侯白丁反索隱印

音五郎反

虜人民畜產甚多遂至彭陽

集解徐廣曰在安定正義城字誤也括地

志云彭城故城在涇州臨城縣東二十里索

彭城在塢州與北地郡甚遠明非彭城也
使奇兵入

燒回中宮

索隱服虔云回中在北地武帝作宮始皇本紀三十七年巡雞頭山過回中武帝元封四

年通回中道正義括地志云秦回中宮在岐州雍縣西四十里即匈奴所燒者也

候騎至雍甘

泉

索隱崔浩云候驪騎正義括地志云雲陽也秦之林光宮漢之甘泉在雍州雲陽西北八十里秦始皇作

甘泉宮去長安三百里望見長安始皇帝以來祭天團兵處

於是文帝以中尉周舍

郎中令張武為將軍發車千乘騎十萬軍長安旁以備

胡寇而拜昌侯盧卿為上郡將軍

索隱案表盧作茲古今字異耳

寧侯

魏遯為北地將軍隆慮侯周竈為隴西將軍東陽侯張

相如為大將軍成侯董赤

正義音赫

為前將軍大發車騎往

擊胡

集解徐廣曰內史藥布亦為將軍

單于留塞內月餘乃去漢逐出

塞即還不能有所殺匈奴日已驕歲入邊殺略人民畜

產甚多雲中遼東最甚至代郡萬餘人漢患之乃使使

遺匈奴書單于亦使當戶報謝復言和親事孝文帝後

二年使使遺匈奴書曰皇帝敬問匈奴大單于無恙使

當戶且居雕渠難

索隱漢書作且渠匈奴官號樂彥云當戶且渠各自一官雕渠難為此官

也正義雕渠難者其姓名也且子余反

郎中韓遼遺朕馬二匹已至敬受

先帝制長城以北引弓之國受命單于長城以內冠帶

之室朕亦制之使萬民耕織射獵衣食父子無離臣主
相安俱無暴逆今聞滌惡民貪降其進取之利倍義絕
約忘萬民之命離兩主之驩然其事已在前矣書曰二
國已和親兩主驩說寢兵休卒養馬世世昌樂闐然更
始

集解徐廣曰闐
音擒安定意也

朕甚嘉之聖人者日新改作更始使

老者得息幼者得長各保其首領而終其天命朕與單
于俱由此道順天恤民世世相傳施之無窮天下莫不
咸便漢與匈奴鄰敵之國匈奴處北地寒殺氣早降故

詔吏遺單于林蘖金帛絲絮佗物歲有數今天下大安

萬民熙熙朕與單于為之父母朕追念前事薄物細故

謀臣計失皆不足以離兄弟之驩朕聞天不頗覆地不

偏載朕與單于皆捐往細故俱蹈大道墮壞前惡以圖

長久使兩國之民若一家子元元萬民下及魚鼈上及

飛鳥跂行喙息蠕動之類

索隱案跂音岐又音企言蟲鳥之類或以踵而行或以喙

而息皆得其安也三蒼云蠕蠕動貌音軟淮南云昆蟲蠕動也

莫不就安利而辟危殆

故來者不止天之道也俱去前事朕釋逃虜民單于無

言章尼等

索隱案文帝云我今日並釋放彼國逃亡虜遣之歸本國汝單于無得更以言詞訴於章

尼等責其違逃也

朕聞古之帝王約分明而無食言單于留志

天下大安和親之後漢過不先單于其察之單于既約和親於是制詔御史曰匈奴大單于遺朕書言和親已定亡人不足以益衆廣地匈奴無入塞漢無出塞犯令約者殺之可以久親後無咎俱便朕已許之其布告天下使明知之後四歲老上稽粥單于死子軍臣立為單于既立

集解徐廣曰後元三年立

孝文皇帝復與匈奴和親而中行

說復事之軍臣單于立四歲

集解徐廣曰孝文後元七年崩而二年答單于書其

間五年而此云後四年又立四歲數不容爾也孝文後六年冬匈奴入上郡雲中也

匈奴復絕和

親大入上郡雲中各三萬騎所殺略甚衆而去於是漢使三將軍軍屯北地代屯句注趙屯飛狐口緣邊亦各堅守以備胡寇又置三將軍軍長安西細柳渭北棘門霸上以備胡胡騎入代句注邊烽火通於甘泉長安數月漢兵至邊匈奴亦去遠塞漢兵亦罷後歲餘孝文帝崩孝景帝立而趙王遂乃陰使人於匈奴吳楚反欲與

趙合謀入邊漢圍破趙匈奴亦止自是之後孝景帝復

與匈奴和親通關市給遺匈奴遣公主如故約終孝景

時時小入盜邊無大寇今帝即位明和親約束厚遇通

關市饒給之匈奴自單于以下皆親漢往來長城下漢

使馬邑下人聶翁壹索隱衛青傳唯稱聶壹故顧氏云壹名也老故稱翁義或然也奸

蘭集解駟案奸音干干蘭犯禁私出物也出物與匈奴交集解駟案漢書音義曰私出塞

與匈奴交市詳為賣馬邑城以誘單于單于信之而貪馬邑

財物乃以十萬騎入武州塞索隱蘇林云在鴈門也漢伏兵三十

餘萬馬邑旁御史大夫韓安國為護軍護四將軍以伏單于單于既入漢塞未至馬邑百餘里見畜布野而無人牧者怪之乃攻亭是時鴈門尉史行徼

索隱如淳云近塞郡皆置

尉百里一人士史尉史各二人也

見寇葆此亭知漢兵謀單于得欲殺

之

集解徐廣曰一云乃下具告單于

尉史乃告單于漢兵所居單于大

驚曰吾固疑之乃引兵還出曰吾得尉史天也天使若言以尉史為天王漢兵約單于入馬邑而縱單于不至以故漢兵無所得漢將軍王恢部出代擊胡輜重聞單

于還兵多不敢出漢以恢本造兵謀而不進斬恢

集解
駟案

韓長孺傳
曰恢自殺

自是之後匈奴絕和親攻當路塞

索隱蘇林
云直當道

之往往入盜於漢邊不可勝數然匈奴貪尚樂關市嗜

漢財物漢亦尚關市不絕以中之

正義如淳云
以利中傷之

自馬邑

軍後五年之秋漢使四將軍各萬騎擊胡關市下將軍

衛青出上谷至龍城得胡首虜七百人公孫賀出雲中

無所得公孫敖出代郡為胡所敗七千餘人李廣出鴈

門為胡所敗而匈奴生得廣廣後得亡歸漢囚敖廣敖

廣贖為庶人其冬匈奴數入盜邊漁陽尤甚漢使將軍
韓安國屯漁陽備胡其明年秋匈奴二萬騎入漢殺遼
西太守略二千餘人胡又入敗漁陽太守軍千餘人圍
漢將軍安國安國時千餘騎亦且盡會燕救至匈奴乃
去匈奴又入鴈門殺略千餘人於是漢使將軍衛青將
三萬騎出鴈門李息出代郡擊胡得首虜數千人其明
年衛青復出雲中以西至隴西擊胡之樓煩白羊王於
河南得胡首虜數千牛羊百餘萬於是漢遂取河南地

築朔方復繕故秦時蒙恬所為塞因河為固漢亦棄上

谷之什

集解駟索音斗

辟縣造陽地以予胡

集解駟索漢書音義曰言縣斗辟西

近胡索隱辟音僻造陽即斗辟縣中地正義曲幽辟縣入匈奴界者造陽地棄與胡也

是歲漢之

元朔二年也其後冬匈奴軍臣單于死軍臣單于弟左

谷蠡王伊稚斜自立為單于

索隱稚音持利反斜音士嗟反鄒誕生音直牙反蓋

稚斜胡人語近得其實

攻破軍臣單于太子於單

索隱單音丹

於單亡

降漢漢封於單為涉安侯數月而死伊稚斜單于既立

其夏匈奴數萬騎入殺代郡太守恭及略千餘人其秋

匈奴又入鴈門殺略千餘人其明年匈奴又復入代郡

定襄

正義括地志云定襄故城在朔州善陽縣北三百八十里地理志云定襄郡高帝置也

上郡

各三萬騎殺略數千人匈奴右賢王怨漢奪之河南地而築朔方數為寇盜邊及入河南侵擾朔方殺略吏民甚衆其明年春漢以衛青為大將軍將六將軍十餘萬人出朔方高闕擊胡右賢王以為漢兵不能至飲酒醉漢兵出塞六七百里夜圍右賢王右賢王大驚脫身逃走諸精騎往往隨後去漢得右賢王衆男女萬五千人

裨小王十餘人其秋匈奴萬騎入殺代郡都尉朱英略

千餘人其明年春漢復遣大將軍衛青將六將軍兵十

餘萬騎乃再出定襄數百里擊匈奴得首虜前後凡萬

九千餘級而漢亦亡兩將軍軍三千餘騎

集解徐廣曰合有三千耳

右將軍建

正義蘇武父也

得以身脫而前將軍翕侯趙信兵不

利降匈奴趙信者故胡小王降漢漢封為翕侯以前將

軍與右將軍并軍分行

正義與大軍別行也

獨遇單于兵故盡沒

單于既得翕侯以為自次王

正義自次者尊重次於單于

用其姊妻

之與謀漢信教單于益北絕幕

集解應劭曰幕沙幕匈奴之南界瓚曰沙土曰

幕直度曰絕

以誘罷漢兵徼極而取之

索隱罷音疲徼要也謂要其疲極而取之

正義徼音古堯反

無近塞

正義無近塞居止

單于從其計其明年胡騎

萬人入上谷殺數百人其明年春漢使驃騎將軍去病

將萬騎出隴西過焉支山

正義焉音烟括地志云焉支山一名刪丹山在甘州刪丹

縣東南五十里西河故事云匈奴失祁連焉支二山乃歌曰亡我祁連山使我六畜不蕃息失我焉支山使我婦女無顏色其

憇惜乃如此千餘里擊匈奴得胡首虜騎萬八千餘

級破得休屠王祭天金人

集解駟案漢書音義曰匈奴祭天處本在雲陽甘泉山下

秦奪其地後徙之休屠王右地故休屠有祭天金人象祭天主也索隱韋昭云作金人以為祭天主崔浩云胡祭以金人為圭今浮圖金人是也蓋說恐不然案得浮圖金人後置之於甘泉也正義括地志云徑路祠神在雍州雲陽縣西北九十里甘泉山下本匈奴祭天處秦奪其地後徙休屠右地按金人即金佛像是其遺法立以為祭天主也其夏驃騎將軍復與合騎侯數萬騎出隴西北

地二千里擊匈奴過居延

索隱韋昭曰張掖縣

攻祁連山

索隱西河舊事

云山在張掖酒泉二界上東西二百餘里南北百里有松柏五木美水草冬溫夏涼宜畜牧匈奴失二山乃歌曰失我祁連山使我六畜不蕃息失我焉支山使我嫁婦無顏色祁連一名天山亦曰白山也得胡首虜三萬餘人裨小王以下七十餘人是時匈奴亦來入

代郡鴈門殺略數百人漢使博望侯及李將軍廣出右
北平擊匈奴左賢王左賢王圍李將軍卒可四千人且
盡殺虜亦過當會博望侯軍救至李將軍得脫漢失亡
數千人合騎侯後驃騎將軍期及與博望侯皆當死贖
為庶人其秋單于怒渾耶王休屠王居西方為漢所殺

虜數萬人欲召誅之渾耶王與休屠王恐謀降漢

集解
徐廣

曰元狩
二年也

漢使驃騎將軍往迎之渾耶王殺休屠王并將

其衆降漢凡四萬餘人號十萬於是漢已得渾耶王則

隴西北地河西益少胡寇徙關東貧民處所奪匈奴河

南新秦中以實之

集解如淳云在長安以北朔方以南

以南新秦中是也正義服虔云地名在北地廣六七百里長安北朔方南史記以為秦始皇遣蒙恬斥逐北故得肥饒之地七百里徙內郡人民皆往充實之號曰新秦中也而減北地以西戍卒半

其明年匈奴入右北平定襄各數萬騎殺略千餘人而去其明年春漢謀曰翁侯信為單于計居幕北以為漢

兵不能至乃粟馬發十萬騎負私從馬凡十四萬匹

正義

謂負擔衣糧私募從者凡十四萬匹

糧重不與焉令大將軍青驃騎將軍

去病中分軍大將軍出定襄驃騎將軍出代咸約絕幕

擊匈奴匈奴單于聞之遠其輜重以精兵待於幕北與

漢大將軍接戰一日會暮大風起漢兵縱左右翼圍單

于單于自度戰不能如漢兵單于遂獨身與壯騎數百

潰漢圍西北遁走漢兵夜追不得行斬捕匈奴首虜萬

九千級北至闐顏山趙信城而還

集解如淳曰信前降匈奴匈奴築城居之

單于之遁走其兵往往與漢兵相亂而隨單于單于久

不與其大衆相得其右谷蠡王以為單于死乃自立為

單于真單于復得其衆而右谷蠡王乃去其單于號復
為右谷蠡王漢驃騎將軍之出代二千餘里與左賢王
接戰漢兵得胡首虜凡七萬餘級左賢王將皆遁走驃
騎封於狼居胥山禪姑衍臨翰海而還

集解如淳曰翰海北海名正義

按翰海自一大海名羣鳥解羽伏乳於此因名也

是後匈奴遠遁而幕南無王

庭漢度河自朔方以西至今居

集解徐廣曰在金城索隱地理志云張掖令居

縣姚氏令音連小顏音零

往往通渠置田官吏卒五六萬人稍蠶食

地接匈奴以北

正義匈奴舊以幕為王庭今遠徙幕北更蠶食之漢境連接匈奴舊地以北也

初漢兩將軍大出圍單于所殺虜八九萬而漢士卒物

故亦數萬

索隱案釋名云漢以來謂死為物故就朽故也又魏臺訪議高堂崇對曰聞之先師物無

也故事也言無復所能於事者也

漢馬死者十餘萬匈奴雖病遠去而

漢亦馬少無以復往匈奴用趙信之計遣使於漢好辭
請和親天子下其議或言和親或言遂臣之丞相長史
任敞曰匈奴新破困宜可使為外臣朝請於邊漢使任
敞於單于單于聞敞計大怒留之不遣先是漢亦有所
降匈奴使者單于亦輒留漢使相當漢方復收士馬會

驃騎將軍去病死於是漢久不北擊胡數歲伊稚斜單

于立十三年死子烏維立為單于是歲漢元鼎三年也

烏維單于立而漢天子始出巡郡縣其後漢方南誅兩

越正義南越東越不擊匈奴匈奴亦不侵入邊烏維單于立三

年漢已滅南越遣故太僕賀將萬五千騎出九原二千

餘里至浮苴井而還索隱苴音子餘反臣瓚云去九原二千里見漢輿地圖不見

匈奴一人漢又遣故從驃侯趙破奴萬餘騎出令居數

千里至匈奴河水而還索隱臣瓚云河水名去令居千里亦不見匈奴

一人是時天子巡邊至朔方勒兵十八萬騎以見武節

而使郭吉風告單于郭吉既至匈奴匈奴主客

集解韋昭曰主

使來客官也正義

官名若鴻臚卿

問所使郭吉禮卑言好曰吾見單于

而口言單于見吉吉曰南越王頭已懸於漢北闕今單

于能即前與漢戰天子自將兵待邊單于即不能即南

面而臣於漢何徒遠走亡匿於幕北寒苦無水草之地

母為也語卒而單于大怒立斬主客見者而留郭吉不

歸遷之北海上

正義北海即上海蘇武亦遷也

而單于終不肯為寇於

漢邊休養息士馬習射獵數使使於漢好辭甘言求請

和親漢使王烏等窺匈奴法漢使非去節而以墨

黥其面者不得入穹廬王烏北地人習胡俗去其節黥

面得入穹廬單于愛之詳許甘言為遣其太子入漢為

質正義音致以求和親漢使楊信於匈奴是時漢東拔穢貉

朝鮮以為郡正義即玄菟樂浪二郡而西置酒泉郡正義今肅州以萬

絕胡與羌通之路漢又西通月氏大夏正義漢書西域傳云大月氏國

去長安城萬一千六百里本居燉煌祁連間冒頓單于破月氏而老上單于殺月氏王以頭為飲器月氏乃遠

去過大宛西擊大夏而臣之都鳩水北為王庭也

又以公主妻烏孫王以分匈

奴西方之援國又北益廣田至胘雷為塞

集解駟案漢書音義曰胘

雷地名在烏孫北

而匈奴終不敢以為言是歲翁侯信死漢用

事者以匈奴為已弱可臣從也楊信為人剛直屈彊素

非貴臣單于不親單于欲召入不肯去節單于乃坐穹

廬外見楊信楊信既見單于說曰即欲和親以單于太

子為質於漢單于曰非故約故約漢常遣公主給繒絮

食物有品以和親而匈奴亦不擾邊今乃欲反古令吾

太子為質無幾矣

正義幾音古紀反言無所冀望也

匈奴俗見漢使非

中貴人其儒先

集解駟案先先生也漢書作儒生

以為欲說折其辯其

少年以為欲刺折其氣每漢使入匈奴匈奴輒報償漢
留匈奴使匈奴亦留漢使必得當乃肯止楊信既歸漢
使王烏而單于復調以甘言欲多得漢財物給謂王烏
曰吾欲入漢見天子面相約為兄弟王烏歸報漢漢為
單于築邸于長安匈奴曰非得漢貴人使吾不與誠語
匈奴使其貴人至漢病漢予藥欲愈之不幸而死而漢

使路充國佩二千石印綬往使因送其喪厚葬直數千

金曰此漢貴人也單于以為漢殺吾貴使者乃留路充

國不歸諸所言者單于特空給王烏殊無意入漢及遣

太子來質於是匈奴數使奇兵侵犯邊漢乃拜郭昌為

板胡將軍及浞野侯

集解徐廣曰趙破奴

屯朔方以東備胡路充

國留匈奴三歲單于死烏維單于立十歲而死子烏師

廬

集解徐廣曰烏一作磨

立為單于年少號為兒單于是歲元封

六年也自此之後單于益西北左方兵直雲中右方直

酒泉燉煌郡

正義括地志云鐵勒國匈奴冒頓之後在突厥國北樂勝州經秦長城太羹長路正

北經砂磧十三日行至其國

兒單于立漢使兩使者一弔單于一弔

右賢王欲以乖其國使者入匈奴匈奴悉將致單于單于怒而盡留漢使漢使留匈奴者前後十餘輩而匈奴使來漢亦輒留相當是歲漢使貳師將軍廣利西伐大宛而令因杆

正義音于

將軍敷築受降城其冬匈奴大雨雪

畜多饑寒死兒單于年少好殺伐國人多不安左大都尉欲殺單于使人間告漢曰我欲殺單于降漢漢遠即

兵來迎我我即發初漢聞此言故築受降城猶以為遠

其明年春漢使浞野侯破奴將二萬餘騎出朔方西北

二千餘里期至浚稽山而還

索隱應劭云
在武威縣北

浞野侯既至

期而還左大都尉欲發而覺單于誅之發左方兵擊浞

野浞野侯行捕首虜數千人還未至受降城四百里匈

奴兵八萬騎圍之浞野侯夜自出求水匈奴間捕生得

浞野侯因急擊其軍軍中郭縱為護維王為渠

正義為
渠帥也

相與謀曰及諸校尉畏亡將軍而誅之莫相勸歸軍遂

沒於匈奴匈奴兒單于大喜遂遣奇兵攻受降城不能

下乃寇入邊而去其明年單于欲自攻受降城未至病

死兒單于立三歲而死子年少匈奴乃立其季父烏維

單于弟右賢王响

集解駟案音鈞又音吁

犁湖為單于是歲太初

三年也响犁湖單于立漢使光祿徐自為出五原塞

正

即五原郡榆林塞也在勝州榆林縣四十里也

數百里遠者千餘里築城鄯列

亭

正義顧肩云鄯山中

至廬朐

集解音衢服虔云廬匈奴地名也張晏云山名

也正義地理志云五原郡稠陽縣北出石門鄯得光祿城又西北得支就城又西北得頭曼城又西北得虜河

城又西北得宿虜城按即築城鄣列亭至廬朐也

而使游擊將軍韓說長平侯

衛伉屯其傍使彊弩都尉路博德築居延澤上

正義括地志漢

居延縣故城在甘州張掖縣東北千五百三十里有漢遮虜鄣強弩尉路博德之所築李陵敗與士衆期至遮虜鄣即此也長老傳云鄣北百八十里直居延之西北是李陵戰地也

其秋匈奴大入定

襄雲中殺略數千人敗數二千石而去行破壞光祿所

築城列亭鄣又使右賢王入酒泉張掖略數千人會任

文擊救

集解駟案漢書音義曰漢將也

盡復失所得而去是歲貳師將

軍破大宛斬其王而還匈奴欲遮之不能至其冬欲攻

受降城會單于病死响犁湖單于立一歲死匈奴乃立

其弟左大都尉且鞮侯為單于

索隱且音子
餘反鞮音低

漢既誅大

宛威震外國天子意欲遂困胡乃下詔曰高皇帝遺朕

平城之憂高后時單于書絕悖逆昔齊襄公復百世之

讎春秋大之

集解駰案公羊傳曰九世猶
可以復讎乎雖百世可知也

是歲太初四

年也且鞮侯單于既立盡歸漢使之不降者路充國等

得歸單于初立恐漢襲之乃自謂我兒子安敢望漢天

子漢天子我丈人行也

正義胡
郎反

漢遣中郎將蘇武厚幣

賂遺單于單于益驕禮甚倨非漢所望也其明年浞野

侯破奴得亡歸漢其明年漢使貳師將軍廣利以三萬

騎出酒泉擊右賢王於天山

正義在伊川

得胡首虜萬餘級

而還匈奴大圍貳師將軍幾不脫漢兵物故什六七漢

復使因杆將軍敷出西河與彊弩都尉會涿涂山

集解徐廣

曰涂音邪索隱涿音卓涂音以奢反正義匈奴中山也

毋所得又使騎都尉李陵

將步騎五千人出居延北千餘里與單于會合戰陵所

殺傷萬餘人兵及食盡欲解歸匈奴圍陵陵降匈奴其

兵遂沒得還者四百人單于乃貴陵以其女妻之後二

歲復使貳師將軍將六萬騎步兵十萬出朔方彊弩都

尉路博德將萬餘人與貳師會游擊將軍說將步騎三

萬人出五原因杆將軍敷將萬騎步兵三萬人出鴈門

匈奴聞悉遠其累重於余吾水北

集解徐廣曰余一作斜音邪索隱山海經

云北鮮之山鮮水出焉北流注余吾正義累力為反重文用反

而單于以十萬騎待水

南與貳師將軍接戰貳師乃解而引歸與單于連戰十

餘日貳師聞其家以巫蠱族滅因并衆降匈奴

集解徐廣曰案

史記將相年表及漢書征和二年巫蠱始
起三年廣利與商丘成出擊胡軍敗乃降
得來還千人

一兩人耳

正義自此以下上至貳師聞其家
非天漢四年事似錯悞人所知

游擊說無

所得因杆數與左賢王戰不利引歸是歲

集解徐廣曰
天漢四年

漢兵之出擊匈奴者不得言功多少功不得御

正義御
音語其

功不得相
御當也

有詔捕太醫令隨但言貳師將軍家室族滅

使廣利得降匈奴

索隱漢書云明年且鞮死長子狐鹿
姑單于立張晏云自狐鹿姑單于已

下皆劉向褚先生所錄班彪又撰而
次之所以漢書匈奴傳有上下兩卷

太史公曰孔氏著春秋隱桓之間則章至定哀之際則

微

索隱案韓國要禮云仲尼仕於定哀故其著春秋不切論當世而微其詞也

為其切當世

之文而罔褒忌諱之辭也

索隱案罔者無也謂其無實而褒之是也忌諱當代故也

世俗之言匈奴者患其微一時之權

集解徐廣曰微音皎索隱微音工堯

反言求一時權寵也劉伯莊音叫徐音皎皆非也

而務調納其說

索隱說音稅

以便

偏指不參

索隱案謂說者謀匈奴皆患其直微求一時權幸但務論進其說以自便其偏指不參詳

終始利

彼已將率

索隱詩云彼已之子彼已者猶詩人譏詞云彼已之子是也將率則指樊

害也

噲衛霍等也

席中國廣大氣奮人主因以決策是以建功不

深堯雖賢興事業不成得禹而九州寧

正義言堯雖賢聖不能獨理得

禹而九州安寧以刺武帝不能擇賢將相而務諂納小人浮說多伐匈奴故壞齊民故太史公引禹聖成其太平以攻當代之罪且欲興聖統唯在擇任將相哉唯在擇任將

相哉

索隱述贊曰獫狁葷粥居于北邊既稱夏裔式憬周篇頗隨畜牧屢擾塵烟爰自冒頓尤聚控弦雖空帑藏未盡中權

史記卷一百十

史記卷一百十考證

匈奴列傳○顧炎武曰因匈奴犯塞而有衛霍之功故序匈奴於衛將軍驃騎傳之前

其後三百有餘歲戎狄攻大王亶父○困學紀聞曰王氏述曰自后稷三傳而得公劉自亶父三傳而武王滅商則公劉在夏之中衰而亶父宜在商之季世不啻五六百年而曰三百歲未知何所據

燕北有東胡山戎索隱案續漢書曰漢初匈奴冒頓滅

其國餘類保烏桓山以為號俗隨水草居無常處桓以之名烏號為姓父子男女悉髡頭為輕便也○臣

照按索隱引續漢書蓋有訛脫字今據後漢烏桓傳云烏桓者本東胡也漢初匈奴冒頓滅其國餘類保烏桓山因以為號焉隨水草放牧居無常處又曰父子男女相對踞蹲以髡頭為輕便

自是之後百有餘年晉悼公使魏絳和戎翟○困學紀聞曰以左氏考之魯文公三年秦始霸西戎襄公四

年晉魏絳和戎裁五十餘歲閻若璩曰魏絳和者北戎非西戎也

而始皇帝使蒙恬將十萬之衆北擊胡○蒙恬傳作三十萬衆

築四十四縣城○秦始皇本紀作三十四縣十餘年而蒙恬死○恬以始皇三十四年擊胡以二世初即位死首尾實四年

漢使馬邑下人聶翁壹索隱衛青傳唯稱聶壹故顧氏

云壹名也老故稱翁義或然也○臣照按老固稱翁

但索隱於韓安國傳既云聶姓翁壹名何於此復有異說也

漢亦尚關市不絕以中之正義如淳云以利中傷之○徐孚遠曰如淳之說非也謂中其欲使不至時入塞匈奴數萬騎入殺代郡太守恭及畧千餘人○漢書恭及作共友師古曰太守姓名也衛青傳作代郡太守友則及為友無疑

昔齊襄公復百世之讎春秋大之○臣照按此下疑有

闕文然漢亦仍之無所增益則當時所傳亦如此

世俗之言匈奴者患其微一時之權而務調納其說以

便偏指不參彼已將率席中國廣大氣奮人主因以

決策○臣照按索隱讀作以便偏指不參句彼已將

率句席中國廣大句氣奮人主句因以決策句誤也

應作以便偏指句不參彼已句將率席中國廣大氣

奮句人主因以決策句蓋謂言匈奴者務調納其說

以便申其一偏之見而不以彼己利害短長參之其
將率則席中國盛勢以奮其氣人主就此革決策是
以無功也

史記卷一百十考證